

ՏԵՂԱԳՐՈՒԹԻՒՆՔ ՀԱՅԱՍՏԱՆԻ

ՈՒՏԻ

(Ծար. տե՛ս «Բազմավեպ», 1989, թ. 1-4, էջ 186-220)

1. Արեւակողմն ամենայն աշխարհաց Հայոց Մեծաց եւ դրացի Առուանից եւ Կովկասայնոց Ոյթի՝ սահման ունի ի հիւսիսոյ կողմանէ գարեւելեան հարաւակողմն Գուգարաց, այսինքն զջոր զԳագ եւ զԿողբ, յարեւելից բովանդակ զգեան Կուր, ի հարաւոյ զԵրասի ի կցանոց անտի նորա ընդ Կուր՝ մինչեւ ցկողմանս Արցախայ, եւ զսա դարձեալ յարեւմտից կողմանէ մինչեւ յարեւելակողմն Մովուն Գեղեմայ: Զերից կողմանց սահմանն համառօտէ Խորոնեցին ասելով. «Ի մտից կայ Երասիսայ, ընդ մէջ Արցախայ եւ Կուր գետոյ»¹: Զհարաւայինն սահման եւ Պլինիոս յարտաքնոցն՝ զԵրասի լինել վկայէ եւ նովին անջրպետեալ յԱրտպատականէ, մասն սորա համարելով զՓայտակարանն մեր աշխարհ: Քանզի ըստ աշխարհագրիս մերոյ «Փայտակարան յԵլից կայ Ուտիոյ առ Երասիսաւ»². իսկ վասն հիւսիսակողման աշխարհիս ասէ ի Գուգարացն հատուածի. «Գուգարք ի մտից կայ Ուտիոյ»³, զոր իմանալի է հիւսիսային արեւմտեան կողմն: Բայց միշակողմանն արեւմտից սահման անստոյդ է, այսինքն անջրպետն Արցախոյ եւ Ուտիոյ առ ստորոտով լերանց Մովուն Գեղամայ. քանզի ընթացք լերանց եւ գետոց յԱրցախայ կուսէ յարեւմտից յարեւելս ընթանան յՈւտի, իսկ երկոքին սոքա աշխարհը զստանին ոչ ընդ հիւսիս եւ ընդ հարաւ, այլ ընդ արեւմուսու եւ արեւելս, եւ զի յոլովից գաւառաց նոցա դիրք անյայտք են, հաւանութեամբ եւ ոչ հաւաստեաւ գրեմք զայն կողմանս ի միում յերկոցունց: ի կիսոյ Մովուն Գեղամայ յարեւելից եւ ի վեր եւ ի հիւսիսոյ՝ սահմանի Ուտի Սիւնեաց աշխարհաւ, լերամբք անջրպետեալ ի նմանէ, ցԶարտակլը եւ ցԵլէկ-մէյտան, որով եւ ի Գուգարաց բաժանին:

1. ՄՈՎՍԵՍ ԽՈՐԵՆԱՑԻ, Աշխարհացոյց, Վենետիկ, 1881, էջ 33:

2. Անդ, էջ 33:

3. Անդ, էջ 34:

Բնութեամբ երկրի գրեաթէ աննման է այլոց աշխարհաց Հայոց, զի մեծ մասն նորա արեւելեան եւ հարաւային հարթայատակ դաշտագետին է, մասն մեծի դաշտին Աղուանից կամ Կուր գետոյ, զոր պատմիչն Կաղանկատուեցի կոչէ «գեղեցկատես վայելուչ հարթահաւասար յուռթի դաշտն Ուտի գաւառին»⁴, որոյ է աւելի քան զհարիւր մղոն ընդ երկայնն ի լայնագոյն մասին, այսինքն յերասխայ ցԳանձակ գաւառ, եւ լայնութիւն միջին իբրեւ քառասուն մղոն։ Բայց ի հիւսիսոյ Գանձակայ մինչեւ ի սահմանագլուխ աշխարհին ի Կողը, ձգի դաշտն յիսուն մղոն եւս, այլ անձուկ առ լայնութիւն 25-10 մղոն։

Հիւսիսակողման երկիր լեռնային է՝ որպէս զսահմանակից գաւառու Գուգարայ, եւ ստորոտք լերանց Արցախայ պարսպեն զարեւմըտեայ եզերսն, որոց թէպէտեւ ընդ արեւելս ասացաք ճգիլ, այլ հարկ է ունել եւ պարս ինչ կամ ձորս, յանջրպես բնական երկուցուն աշխարհացն առ նախնեօք, որ յարդեացս անհետազօտ եւ թաքուն մնայն։

Լերինքդ պարք են Հայկականն Կովկասու, յորոց իջանեն ամենայն գետք Արցախայ եւ Ուտիոյ, եւ խաղան յարեւելս ի Կուրը։ Ի սոցանէ սեփական Ուտիոյ համարլիմ՝ զոր յելից կուսէ պարսպաձեւն բաժակի ծովուն՝ զՄրդուզ, Միւզ կամ Մուշ, Շէմագ կամ Շիւմեխի, զԽամլըգ, Շըխ (Շախ-տար ըստ Գոլենադրեայ) կամ Շահ։ Ի սմանէ բոլիչ թարս գետ, եւ ընդ հիւսիս իջանէ յԱլստեւ գետ մեծ, որ զուգ-հեռընթաց Զորոյ գետոյն եւ բղեալ ի թիկանց Սեւորդեաց Զորոյ՝ իջանէ ի Կուրը, առեալ օժանդակս ի Զատորը եւ ի Գագ լերանց։ Ի հարաւոյ սորա մի ըստ միոջէ գետք զուգընթացք են Տաւուշ կամ Թաւուս օժանդակօք Մրդուզայ եւ Շէմագայ, Հասան, Զակամ, Շամբոր, Գանձակայ ջուրն, Թարթառ՝ հզորագոյն գետոց Արցախայ եւ Ուտիոյ։ Կուրակ, Կուրան, Խաչեն, Գարգար՝ այլովք մանումբի, որք պարարտացուցանեն զդաշտն Ուտիոյ։

2. Օժանդակէ յայսմ բնութեան երկրի եւ օդոցն խառնուած, զի ջերմագոյն է քան զամենայն աշխարհաց Հայոց, վասն այսորիկ եւ աստհաստատեալ էր զամերանոցս իւրեանց թագաւորաց Հայոց եւ Աղուանից։ Ապա արժան է ինդրել ի սմա զբերս բարեխառն լիմայից, զորս կամ աւերած երկրին յասպատակաց եւ կամ նուազութիւն քննողաց՝ անյիշատակս թողուն։ Բայց առ ի նախնեաց հաւատարիմն մեր աշխարհագիր Մովսէս՝ յիշէ որպէս սեփականս սմա զիիբենի եւ զվարն-գենի, զոր ոմանդ վարդենի ընթեռնուն, իսկ Վատիկաննեանն՝

4. ՄՈՎՍԵՍ ԿԱՂԱՆԿԱՑՈՒՅՑԸ, Պատմութիւն Աղուամից աշխարհի, Երեւան, 1983, էջ 159 (այսուհետեւ՝ ԿՊՀՏ.):

հիբենի վայրենի, որ ոչ թուի անհաւան: Ցիշէն նաեւ ի հաւուց՝ զկատակ, որ մեզ անծանօթ է, բայց յիշի եւ այժմ, ի կողմանս Աղստեռու դուռէն հաւ աղաւնեչափ քաղցրաձայն, եւ մրահաւ կամ Ղըրդառու մեծագոյն եւս. *Colymbus auritus*, զոր ֆէշիդ կոչէն Թաթարք. *Pterocles arenarius* – կանկան կամ մատար կամ Զէրտոդ ըստ Թաթարաց, *Pastor roseus* – չերակ կամ պուլտուրուք կամ գարապախար ըստ Թաթարաց. մահմետահաւ, սլովրենի մուլմամէտ ըստ Թաթարաց: Իսկ յարտաքնոցն Պլինիոս (ԺԲ, ԻՀ) ասէ լինել յՈտի Կիթամոնն: Բայց ոչ միայն մանունքդ այլ եւ մեծամեծ իրք եւ կերպարանք աշխարհին՝ չեւ եւս են քաջ նկատեալք եւ քննեալք ի բանասիրաց, քանզի ոչ ուրեք նշանակեն լիճն՝ որ ի սասանութեան 1139 ամին ճեւացաւ, եւ փրթած Ալիհարակ լերին. եւ ոչ հետք հրարիսի, որ ի յիշատակէդ գուշակին, եւ ոչ մի լիճ, նաեւ ոչ իսկ չէն կամ անչէն ի հարաւա-կողմն Ուտիոյ յայժմու աշխարհացոյցս: Վասն այսորիկ զանց արար-եալ զսոքօք եւ յառանձին տեղագիր միոյ միոյ ի վիճակացն թողեալ զմանը գիտելիս, ճեռն արկցուք ի քաղաքական հին դէպս աշխարհիս:

3. Անուն աշխարհին յաճախ ուրեք ըստ բնակչացն կոչի Աշխարհ կամ Գաւառ Ուտեացոց կամ Ուտիացոց որ եւ Ուտացոց. իսկ ըստ սեփական ձայնին գրի յեղականն Ուտի, Ուտիոյ, որ եւ Աւտի կայ գրեալ, եւ Ուտիա ըստ վատիկանեան օրինակին: իսկ ազգդ կամ բնակիչք Ուտիոյ, ըստ պատմչաց մերոց Խորոնեցոյ՝ եւ Կաղանկատուեցոյ՝ ի զաւակաց Սիսականն Առանայ նահապետի ի Վաղարշակայ կարգելոյ՝ սերեցան: Սակայն քաջ ի բաց եւս Հնագոյն թուի ինձ եւ կարգելոյ՝ սերեցան: Սակայն քաջ ի բաց եւս Հնագոյն թուի ինձ եւ Առանունդ եւ ազգ Ուտի, եւ Երկիրն սեփականութիւն նախահարց Առանունդ է Սիսակեան Հայկազանց, առ որովք Հայրն վիպասանայ, այսինքն է Սիսակեան Հայկազանց, առ որովք Հայրն վիպասանից Յունաց Երողոտոս՝ Երեքհարիկոք ամօք Երիշագոյն քան զմերս Մարիբաս եւ զվարշակ, յիշչ ընդ ազգս Հարկատու Պարսից ի ԺԴ (14) կուսակալութեան Դարեհի, եւ ընդ զօրս Քսերքսեայ եւ զժողովուրդն Ուտիք, որ թուին Ուտիացիքս, զորս եւ այլք ի Յունաց կոչեն վուրդն Ուտիք, որ թուին Ուտիացիքս, զորս եւ այլք ի Յունաց կոչեն Ուտիք, իսկ լատինք Otene, եւ վրիպակալ թուի առ Պղոմեայ գրեալ Մատեղի եւ ի Totene փոխեալ յայլոց: եւ յայտ յայսմանէ՝ զի ազգ Հին է եւ անուանի Ուտիոյ բնակիչն, եւ պատճառ անուանն թաղեալ ի մոռացօն եւ ոչ հաւանելի իմաստնոց՝ վարկած Անգղիացոց ուրումն նորոյ հեղինակի, որ զբազում ի Յունաց ազանց եւ զայլոց ինչ կողմանց՝ ի Հնդկաց նկրտի ցուցանել եկս, եւ զայսր միոյ աշխարհի բնակիչս գաղթականս համարի Ուտ կամ Ուտի աշխարհի Հնդկաց բնակիչս (Oude, Audih, Ayodhya): Այլք ոմանք (Շիֆնէր) կարծեցին զսոսա

Առաջին ԽՍՀ ԽՄ Պատմութիւն Հայոց, Տփղիս, 1913, էջ 41:

6. Հմայ. ԿՂԿՏ. էջ 8:

ազգակիցս Վողեակաց, բնակելոց առ Վիադքա գետով, որք եւ Ուս կոչեն զինքեանս, մինչեւ առաքել առ նոսա զբառս Ուտէացւոց լեզին ի քննութիւն, եւ ստուգեցաւ չինել բնաւ նմանութիւն ընդ նոցա լեցուին:

Չորիս ազգս կամ տոհմս յիշէ պատմիչն սերեալ յԱռանայ, զՈւտէացիս, զԳարդմանացիս, զԳարգարացիս եւ զԾաւդէացին⁷: Երկո-քին առաջինքն գաւառութիւն իսկ յայտնի են այժմ, երրորդն՝ անուամբ գետոյն, իսկ չորրորդն արտաքոյ է բնոյն Ուտիոյ յայնկոյս Կուրայ, որպէս ցուցաք յԱղուանիցն նկարագրութեան: Ինձ եւ բնաւքդ հնագոյն քան զԱռան թուին, թերեւս յայլմէ Առանայ սերեալք եւ ոչ ի Վաղարշակայն ժամանակէ, որք ընդ այլոց տոհմից Աղուանից խառնեալ՝ ստացան բառս եւ լեզու խրթին, զոր յանուն հզօրագունի տոհմին կոչէ Խորոնեցին «կոկորդախօս, աղխազուր, խժական, խեցբեկագոյն Գարգարացւոց լեզու»⁸: Այն լեզու հասարակ էր ամենայն Ուտիոյ եւ Աղուանից գլխովին, որոց եստեղ Մեսրովա գիր, որպէս եւ Վրաց եւ Հայոց զայն լեզու քարքարոս բանս կոչէ եւ Կորիւն պատմիչ⁹, եւ ցարդ կոչի եւ լսելի լինի Ուտէացի լեզուն ուրեք ուրեք յափունս Կուրայ յայս կոյս եւ յայն կողմն ի ստորոտս Կովկասայ, զորմէ ճառեացուք յԱղուանիցն ճառին:

Ըստ Վրաց աւանդութեան, Բարտոսի, եղբօր Հայկայ, նախ ժառանգութիւն եղեւ աշխարհս այս, յորոյ անուն եւ կոչի իսկ ցարդ հին մայրաքաղաքն Պարտաւ: Ցետ որոյ Սիսակ նահապետ Սիւնեաց ընդպարձակեաց զբնակութիւն իւր եւ յայս սահմանս եւ անդր ես քան զԿուր, որք յայն կողմն՝ Աղուանք կոչեցան միշտ, իսկ որ յայս կոյս ի Հայս՝ եւ նոցա զառաջինն այնպէս թուի կոչեցեալ, եւ ապա սեփականեալ Ուտի անուանն, ո՛չ գիտեմ հօրը եւ հի՞մ, եւ թերեւս յայնժամ զատուցեալ ի նմա ութից գաւառաց աշխարհին ըստ հին հայ վարչութեան, որք կոչեն՝

ա. Արանոոտ, թերեւս այս երկիր իցէ զոր երողոտ յիշէ ի դասակարգի անդ բանակին Քսերքսեայ Ալարոտիի, կոչելով:

բ. Ռովտապայակ կամ Ռոտպայեկ կամ Ռոտպայեան ըստ այլ-եւայլ ձեռագրաց, երկորին եւս յանուն գետոյ՝ Ռուտ պարսիկ ձայնիւ զուգեալ (որ նշանակէ գետ), թուին մերձ ի Պարսից սահմանն լինել, այսինքն հուապ յԵրասիւ:

գ. Տուչքատակ կամ Ուշանատակ:

դ. Աղուէ. սոքա թուին հիւսիսագոյն քան զայլսն լինել, մինն Տաւուշ եւ միւսն Աղստեւ, քանզի եւ յօրինակս ինչ փոխանակ Աղուէի գրի Աղասէր, զոր ուղղելի է Աղստեւ:

7. Հմմտ. ՄՈՎՍԷՍ ԽՈՐԵՆԱՑԻ, Պատմութիւն Հայոց, Տիգիս, 1913, էջ 113:

8. Անդ, էջ 329:

9. Հմմտ. ԿՈՐԻԻՆ, Վարք Մաշտոցի, Երեւան, 1941, էջ 68:

ե. Տոփի կամ Տոռի որ եւ Տրի, ի հարաւոյ, եւ սա թուի հուպ յեղերս Երասխայ:

գ. Գարդման, որ ի հովիտս Ճիկերայ, Շեմքորայ եւ Խոչքարայ տարածանի եւ յեզրն Կուրայ:

է. Շակաշէն կամ Շակշէն ի հարաւոյ նորա եւ վիճակին Գանձակայ՝ առ Կուրը գետով:

ը. Ուտի առանձնակ, ի հարաւոյ եւս ի սահմանս Պարտաւայ եւ Գարգար գետոյ: ի Վատիկանեան օրինակին այլայեղեալ եւ խառնակ գրին անուանք գաւառացդ Արսառոտ, Մոքոոտ, Պայեկ, Աղուենաշ, Կատակ:

4. Դուն ուրեք յիշատակին անուանք գաւառացդ, մանաւանդ թէ անծանօթիցն տեղեօք՝ ոչ բնաւ առ պատմիչս, քանզի որպէս յԱղուանից նկարագրին կայ մեզ ցուցանել վտարեալ սոցա յայս կոյս Կուրայ՝ վաղ ուրեմն կալան հատին զմւտի ի Հայոց, զերկիր գաշտային եւ անպատսպար ի բնէ, եւ մինչչեւ բարձեալ Արշակունեաց մերոց հարստութեան, մեծ մասն աշխարհին ընդ Աղուանս խառնեալ էր, ընդ որոց եւ ի սկիզբն քրիստոսեան աւետարանին քարոզութեան մեծի շնորհաց հանդիպեցան ընդունելով զվարդապետութիւն Եղիշեայ՝ աշակերտին թադէի առաքելոյ, որ ի Զորայ ի բուն աշխարհէն Աղուանից եկն յՈւտի ի Սակառն քաղաք, սերմանք աւետարանին մնացին ուրեք ուրեք յաշխարհին, այլ ընդ աղօսու: Ի վերջ կոյս Աղարուն՝ Երուանդ բռնաւոր արքայ գեգերէր յՈւտի, յորժամ եմուս քաջն Սմբատ Արտաշսիւ ի Հայս: Աստ ձմերէր եւ մեծն Խոսրով՝ յորժամ եկն առ նա Անակ, եւ տակաւին ձեռն Արշակունեաց տիրէր նմին եւ յետ Տրդատայ: Ապստամբեալ առ Արշակաւ թիւ՝ նուաճեցաւ ի Մուշեղայ ընդ Արցախոյ: Բայց թուի ոչ յետ սակաւուց գարձեալ զատուցեալ ի Հայոց եւ սերտ յօդացեալ յԱղուանից տէրութիւն, որոց իշխէլ Եռվազէն ի սկիզբն Եղարու, որ ընկալաւ զսուլքն Մեսլովք, եւ ի ձեռն նորա զգիրս աշխարհին ի քարոզել սորա ի Գարդման գաւառոի: Յետ սակաւուց հաստատեցին նոքա զաթոռ թագաւորութեան իւրեանց ի Պարտաւ քաղաք նուաճեալ զմասն Արցախոյ, եւ ինքնանք մերթ ազատորէն եւ մերթ ընդ Պարսից բռնութեամբ կալով, մինչեւ յէ դարու վտարանջեաց Զուանշէր քաջն, եւ հարեալ հալածեաց զնոսին, այլ յետ սակաւուց փոխանակեցին զնոսա Հագարացիք, որք եւ յը դարու տիրեցին Պարտաւայ, եւ ոչ վերացաւ անտի ձեռն նոցա, թէպէտ եւ բազում անդամ իշխանք Աղուանից գլուխ ամբարձին:

Եայս ժամանակի թուի Սեւկայ ուրումն իշխանի կամ որդւոյ նորա հարստացեալ նուաճել զհիւսիսային կողմն Ուտիոյ, եւ յանուն իւր Սեւորդեաց աշխարհ կոչեցեալ:

Յառաջին կէս Թ դարու՝ Սակեան տոհմ Սիւնի Հայկազանց՝ խառնեալ ընդ պայազատու Աղուանից՝ հարստանային եւ յԱրցախի յնաւի, յորոց եւ Սենեքերիմ հաստատեաց նոր թագաւորութիւն յելս Թ դարուն. այլ ի միւսում դարու իբրեւ Գանձակ անկաւ ի ճեռ Սելչուկեանց եւ նուազեաց միապետութիւն Աղուանից, ի բազում իշխանութիւնս կոտորեցաւ երկիր կալուածոց նոցա, եւ կոչեցաւ համօրէն երկիրն այն Առան, որպէս երբեմն կոչէր եւ ի հնումն, յանուն Սիսակեան Առանայ: Խսկ յայսմ հետէ Ուտի եւ Արցախ եւ մասն մի Աղուանից անանջատ յարեւելեայց եւ ի մերոց՝ աշխարհ Առանայ կոչեցան. բայց հիւսիսակողմն Ուտիոյ տպկաւին տիրէին Բագրատունիք եւ շառափորք նոցա Կորիկեանք, վասն այսորիկ եւ Աղուանից թագաւորք կոչեցան սոքա՝ մինչեւ ի սկիզբն ԺԴ դարու, յորում թուրք իշխանք արցախական Գանձակայ տիրացան ի սպառ կողմանցս, յետ սակաւուց եւ Թաթարք այսր զառաջին ասպատակս իւրեանց սփոեցին, թէպէտեւ մերձ ընդ մերձ վիրք յափշտակէին ի նոցանէ: Այսպէս եւ յզկնիսն ի բռնանալ Պարսից եւ Օսմանեանց, մօտ յելս ԺԸ դարու, բազում անգամ վիրք հակառակէին կուսակալաց կամ Խանից՝ որք նստէին ի մեծ քաղաքն Գանձակ, մինչեւ յամին 1804 նուաճեաց զօրավարն ծիցիանով ընդ իշխանութեամբ Ռուսաց, եւ կոչեցաւ քաղաքն եւ երկիրն այն, ի պատիւ Եղիսաբեթի դշոյն՝ Եղիսաբեռուպօլիս. նոյնպէս եւ զկողմն Պարտաւայ հատին ի Պարսից եւ գրեցին ի կուսակալութիւն Շիրուանայ:

5. Յերկոսին յիշեալ կուսակալութիւնս կամ յաշխարհս բռվանդակի արդ Ուտի՝ ընդ վարչութեամբ Ռուսաց: Յառաջնումն՝ չորք գաւառք են, յերկրորդումն երկու ի բաժնի Ուտիոյ, եւ են Խազախ, ի հիւսիսի բնաւիցն. բ. Շամշատիլ՝ ի հարաւոյ նորա, յելից Շովուն Գեղամայ. գ. Այլում ի հարաւոյ Շամշատիլայ եւ յելից հարաւոյ Շովուն, որ ունի մասն եւ յԱրցախ աշխարհէ. դ. Եղիսաբեռուպօլ կամ Գանձակ, յելից Այրումայ եւ ի հարաւոյ առ կուր գետով. ե. Ճէւանշիր. զ. Քէպէրլին ի հարաւոյ Գանձակայ, եւ յանկիւնամէջ Երասխայ եւ Կրի: Այս բաժանմունք նոր ընդ գաւառս, յաւուրց իշխանութեան Վրաց եւ Պարսից հաստատեալք եւ գեռ պահին: Բայց եւ յայնց ժամանակաց եւ ի հնուց եւս եւ այժմ իսկ՝ տրոհին գաւառքդ եւ ի վիճակս մանունս, ոմանք ի նախնեաց անտի եւ այլք ի յետնոց զատուցեալք ըստ հովիտս գետոց, ըստ որոց եւ մեք զտեղագիրս կամիմք կարգել, այսպէս համեմատելով զհին եւ զմիջին եւ զնոր ժամանակաց բաժանմունս գաւառաց եւ վիճակաց.

Հիմ գաւառք	Միջին գաւառք	Նոր գաւառք	Վիճակ
Աղուէս	Աղստեւ, Կայեն, Միափոր	Խազախ	Աղստեւ Ղարաղու երկիր Համզաշիմէն
Տուչքատակ	Սեւորդեաց աշխարհ Տաւուշ Զամակ	Շամշատիլ	Տաւուշ Զամակ Ճկեր
Գարդման	Գարդման	Այրում	Շամքոր, Գարդման, Խոչքար, Այրում
Շակաշէն	Գանձակ գորոզ	Կէնճէ	Գանձակ Ոսկանապատ Կոբակ, Սամուկն
Ուսի Առանձնակ Ոտոպայեակ Ալառուտ Տռի	Պարտաւ գարգարացիք Բեզամէջ	Ճէանձիր Քէպէրլին	Պէրտէ

ՂԱԶԱԽ ԳԱԼԻԱՆ (ԱՂՍՏԵՒ)

6. Հիւսիսակողմն Ուտիոյ սահմանակից Սիւնեաց եւ Գուգարաց, յաւուրց տիրապետութեան Վրաց եւ Թաթարաց մինչեւ ցայժմ Խազախ կոչի, որպէս թուի յանուն տոհմի Թաթարաց, կամ վասն թիկնեղ բնակչացն, զի՞րայնսպիսիս Խազախս կոչեն Վիրք, եւ կամ ըստ այլոց, զի զբնակիչն ի Ճենաց համարին գաղթեալս, եւ այսպէս զնոսա անուաննեն: Ի դէպ կարծեացս գայ եւ բառակարգ աշխարհագրին բան, եթէ՝ «Ճենաց երկիրն Գանձակ է մինչեւ ի Զակամ»¹⁰: Ոմանք յեւրոպացի բանասիրաց ի Ռուսացն Քողաքաց համարին, եւ այլ ոմն (Սէն-Մառուէն) ի Խըրզզզ Թաթարաց: Արդ որ զի եւ է անուանն պատճառ, անյիշտառակ է ի մատենագրաց մերոց, որով եւ ոչ հին: Առ ուղեւորս եւ յետին գրիչս մեր յիշի յերկուց դարուց հետէ, յամին 1736, Սփաթ Վէրտիք Քէպիում թէկ ոմն էր իսան Ղազախու:

Իսկ Սահմանք նորա են, յարեւմտից կողմանէ Պուչալու գաւառ, կամ Ձորոյգետ եւ Բամբակ, ի հարաւոյ Սեւորդեաց ձոր եւ Գեղամայ Մով, յարեւելից Շամշատիլ գաւառ, յելից Աղստեւ գետոյ: ի հիւսիսոյ Կուր գետ:

Մեծ մասն գաւառիս, արեւմտեայ հարաւակողմն լեռնավայր է անհարթ, նման Ձորոյ, արեւելեանն հիւսիսի հարթ եւ դաշտավայր մինչեւ ի Կուր: Աղստեւ գետ, զոր Ախտաֆա կոչեն արդ, ոռոգանէ զբովանդակ գաւառն, ի նմա բղինեալ եւ ի նմին բովանդակեալ եւ ի

10. Այս բացատրութիւնը չգտանք ո՛չ Խորենացի ընծայուած Աշխարհացոյցին եւ ո՛չ Վարդան Վարդապետի Աղմարհացոյցին մէջ:

նմա բերանացեալ ի Կուր: Յերկուց վտակաց գետանայ, յորոց մին յարեւմտից իջանէ ի թիկանց լերանց Սեւորդեաց Զորոյ եւ կոչի Համբաշիմէն. միւսն յարեւելից հարաւոյ իջանէ ի Շահ լեռնէ, այն ինքն է Թարս գետ, որ զի հակառակս ընթացից այլոց ամենայն գետոց Ուտիոյ՝ ընդ հիւսիս դիմէ, վասն այն ասեն զտաճկական անունդ առեալ Թէրս, որ նշանակէ հակառակ: Հուապ ի Ճարխէզ գիւղ խառնեալ գետակացս՝ գործեն զԱղստեւ, որ սակաւ ինչ հարաւախառն խաղայ յարեւելս ի Կուր, յահեկէն ընկալեալ օժանդակս ոչ նուազս քան զերկուսին գետակսն, իսկ յաջմէն մանունս վտակս խորայատակս, քանզի ի լերանց զսպեալ է:

Բնութիւն երկրին կրային է, գորշագոյն եւ դեղին, մառնախառն. յաջմէ գետոյն՝ ամբառնայ կրահողս յ2000' ի բարձրութիւն, դարս գործելով մացառախիտս: Հովհտն իսկ գետոյն հրաբղիսի ճանաչի, գնտածեւ պորփիւրեայ րօցոն ի դեղնորակ կաւի, եւ կարմիր մոխրով, եւ խճօք եւ գունագոյն բեկորօք հրաժանդ պորփիւրի լցեալ, որք եւ ի կրային բնութիւն երկրին թափ անցեալ են: Նշմարին բնազըննաց դաշտանիսոտք վայրացն ի հրաբուխ զօրութեանցն կերպացեալք, եւ պատառածք նոցին խառն ի խուռն եւ անհետեր կերպարանօք:

Բուսաբերութիւն երկրին չէ շատ բարգաւաճ, ունի մացառս եւ անտառս ծառոց ոչ բարձանց, այլ ոչ անպէտս ի շինութիւն: Յարգասեաց դաշտի՝ մշակի ցորեան եւ գարի. յազգս խոտոցն յիշի Լուածաղիկն՝ թմրեցուցիչ լուոյ եւ տզոց, կանաչանետերեւ նման պրասի, զոր եւ տանին ի գաւառս հեռաւորս, եւ գինելոխ, որ նման գինույ ապշութիւն ածէ մարդոյ եւ անսանոց:

Յանուն գետոյս եւ երկիրն Աղստեւյ գաւառ կոչէր ի միջին դարս. հաւանելի է թէ եւ Աղուէ հին գաւառ, եթէ ուղիղ իցէ ընթերցուածն: Նոյն անուն է այլայլեալ ժամանակաւ. բայց եւ ի նմին ժամանակի եւ այլով անուամքը կոչէր գաւառս, ըստ մասին մեծի՝ Կարբենոյ աշխարհ, եւ ոչ է մարթ զատուցանել զսահմանս սոցիա, այլ ըստ հաւանութեան զատուցանել մեք յերիր մասունս կամ վիճակս ի Կայեն կամ Համբաշիմէն, գորելով զհովիտն Համբաշիմենայ եւ զգլուխ Աղստեւու, Միափոր կամ Ղարաղու երկիր զհովիտ Թարսայ. եւ Աղստեւ զհասարակն գաւառին:

ՄԻԱՓՈՐ = ՂԱՐԱՂՈՒ ԵՐԿԻՐ

7. Վիճակն անծուկ եւ անծանօթ զոր արդ յիշեցաք, յարեւմտից ունելով զբարձր բարձր լերինս անջրպես Կեղագունեաց, որպիսիք են Մէյտան-պուլաք եւ Շահ կամ Նըլս, յորոց բղլէ Թարս: Յարեւելից այլ պար զուգահեռական նոցին՝ յորմէ բղխեն գետք Տառշայ.

ի հարաւոյ զպարոյր երկոցուն պարուց լերանցն, իսկ ի հիւսիսոյ զկայեն, գողածեւ եւ բարձր տաշտ է թարս գետոյ, եւ թերեւս պատճառաւ՝ զոր վասն այժմու կոչման գետոյդ ասացաք. նովին եւ ի նախնեաց Միափոր կոչեցաւ, իբրու միակ փորակ՝ այն ձեւ զրիւք առ համեմատութիւն այլոց Փորաց Գուգարաց: Եւ զի այս երկիր իցէ միափորն սակաւ ուրեք յիշեալ, նախ գիրքդ ինձ հաւանութիւն տան, երկրորդ բան Յովհաննու Կաթողիկոսի, որ վասն Սիւնեաց իշխանազն եղբարց Սահակայ եւ Վասակայ ասէ, իոյս տուեալ յերեսաց բռնաւորին Յուափայ, յամին 911, մարք իւրեանց եւ ընտանեօք, ի Սեւան կղզւոյ ընդ Ծով Գեղամայ «նաւեալ անկանէին հապճեպիւ յամուր գաւառն Միափորոյ»¹¹, յայտ ուրեմն զի առ կուռն ծովուն յայն կողմն կայր երկիրս. եւ աստի անցին ի մերձակիցն Արցախ եւ յաւուրս Գարդմանայ:

Դարձեալ ի սկիզբն ԺԴ դարու ի գալ Յովհաննու Կաթողիկոսի Աղուանից ի Գանձակայ, աթաբէկն իւանէ բնակեցոյց զնա ի Միափոր, իբրեւ յիւրում սեփական կալուածի, զի նա էր յայնժամ տէր կայենոյ. յայտ է ապա զի եւ Միափոր կից էր կայենոյ: Եւ ցարդ Միափոր կոչի, ըստ ումեմն յայժմու վարդապետաց, ձորն որ ի զղուխ խառնրդոյ Թարսայ ընդ Աղստեւու:

Վերին կողմն վիճակիս, այն որ յելից կայ Արեգունուոյն Գեղամայ, Ղարաղու երկիր կոչի ի յիշատակարանի ուրեմն գրոց ի սկիզբն ԺԼ դարուհ/եւ ցարդ Ղրդի ձոր կոչի՝ յանուն թունոյ միոյժ ըստ ումեմն: Բայց ինձ թուի ի գարա-գայա թուղքական անուանէ, այսինքն է Սեւա ժայռ, զի բազումք լերինք գաւառիս ըստ սմին օրինակի ժայռք անուանին, որպէս եւ սպիտակ ժայռն Ագ-գայա՝ հանդէպ խառնրդոյ Թարսայ եւ Աղստեւու: Յաջմէ Թարսայ ձգի հասարակաց ճանապարհն՝ որ հանէ յարքունի ճանապարհն Աղստեւու, ընդ մէջ Կարմիր կամրջոյ եւ Գեղամայ:

8. Սակաւք այժմ նշանակին վայրք ի ձորագաւառիս. իսկ ի նախնեաց պատմիչն Կիրակոս յիշէ եւ Քաղաք Միափոր, յասել վասն Յովհաննու Աղուանից Կաթողիկոսի, նեղելոյ յայլազգեց եւ դիմելոյ առ Զաքարեանս. «Եւ բնակեցոյց զնա իւանէ ի քաղաքն Միափոր, ի վանքն որ կոչի Խամշի. սա սկսաւ շինել անդ եկեղեցի մեծ եւ հրաշալի, եւ մինչչեւ էր աւարտեալ՝ խափանումն եղեւ, զի եկն Սուլտանն ի Խորասանայ Զալալազինն կոչեցեալ (յամին 1222-3), աւերել զաշխարհս Հայոց, Աղուանից եւ Վրաց»¹²: Գալուստ Յովհաննու թուի ի սկիզբն ԺԴ դարու, վասնզի Միափոր Այրիվանեցի ի միջոցի ՈԽ-ՈԿ

11. ՅՈՎՀԱՆՆԵՍ ԿԹՂՍ., Պատմութիւն, ԵՐՈՍԱՂԷՄ, 1867, էջ 288:

12. ԿԻՐԱԿՈՍ ԳԱՆՁԱԿԵՑԻ, Պատմութիւն Հայոց, ԵՐԵՎԱՆ, 1861, էջ 182:

թուոց ասէ. «զիշամշի վանս Աղուանից կաթուղիկոսացն աթոռ հաստատեցին»¹³:

Ցեստ ասպատակի Սուլտանին՝ հանդարտեալ երկրին եւ աւարտեալ թուի շինութեանն, եւ անդ նստեալ եւ այլոց կաթողիկոսաց Աղուանից առ ժամանակ մի, քանզի նոյն պատմիչ ասէ զկնի՝ վասն նորին Յովկաննու, «Շինեաց եկեղեցի մի հրաշալի ի գաւառն Միափոր, ի վանքն որ կոչի Խամշի»¹⁴. եւ վասն եղբօր նորին եւ յաջորդի (յամին 1235-41) «Տեսառն Ներսիսի, հեզոյ եւ մարդասիրի, որ յայս աւուրս նստեր ի վանքն՝ որ կոչի Խամշի, ի գաւառն Միափորի, եւ յարքեալի սկզբուութեան եղբօրորդւոյ նորա Տէր Յովկաննիսի նոր ձեռնադրելոյ»¹⁵: Ցեստ ամաց ինչ՝ աստի չոքաւ Ներսէսի Մուղան, ի տես իշխանաց Թաթարաց եւ դարձ արար, մինչդեռ Աւագ որդի իւանէին՝ տիրէր Միափորոյ: Այժմ ո'չ վանքն Խամշի եւ ո'չ շէնն յիշի, եւ ո'չ ժամանակ շինութեան նորա, բայց զի եւ դարու յառաջ քան զկիրակոս կայր վանքն՝ վկայէ Միխթար Գոշ, որ եւ զառաջնորդ նորին յիշէ Սարգիս անուն, գտեալ յամին 1139 ի ժողովին Տաւուզոյ:

Ի սկզբն անցելոյ դարուն՝ առաջնորդ Ղարաղու երկրիս էր Տէր Դաւիթ արքեալս. առաջնորդ Գոշի Վանայ, եւ մելիք նորին Միրզա խան: Յիշի յաւուրս նոցա եւ Աղապալի տանուտէր Զամբարակ գեղջ, յոր անուն երկու գեօղք են այժմ, վերին՝ 30 տամբք եւ ներքին՝ 20 տամբք:

Նշանակին յաշխարհացոյցս եւ Ճան-թէիկէ առ փոքրու վտակաւ օժանդակաւ Թարսայ, հուալ ի Մովն Գեղամայ: Յելից հիւսիսոյ նորա յահեկէ Թարսա Կիլ-Քէնտ (Վարդագիւղ), եւ յաջմէ Մաղկոց եւ Զայ-ֆէնտ (Գետագիւղ), թերեւս գլխաւոր տեղի գաւառին: Ի վերոյ քան զսա է Մէյտան գիւղ կիսաւեր, բնակեալ ի Մալաքան Ռուսաց:

ԿԱՅԵՆ = ՀԱՄԶԱԳԻՄԷՆ

9. Ի տեղագրի Կայենայ բերդին որ ի Ձորափոր՝ (Ճանուցաք եւ վասն գաւառիս համանուան, որ եւ երկիր եւ Աշխարհ Կայենոյ կոչի յժի եւ յժդ դարս, եւ որպէս ի պատմչաց բանից գուշակի՝ ունի զամենայն արեւմտեայ հարաւակողմն գաւառիս Խազախայ եւ Աղըստեւու, մինչեւ յէշէկ-մէյտան լեառն եւ անցք «որ մէջն է երկուց աշխարհացն Գեղամայ եւ Կայանու»¹⁶ ըստ Կիրակոսի պատմչի: Եւ

13. ՄԽԻԹԱՐ ԱՅՐԻՎԱՆԵՑԻ, Պատմութիւն Հայոց, Մոսկվա, 1860, էջ 65:

14. ԿԻՐԱԿՈՍ ԳԱՆՋԱԿԵՑԻ, Պատմութիւն Հայոց, Երևան, 1981, էջ 201:

15. Անդ, էջ 278:

16. Այս մէշբերումը առնուած է Ալիշանի հրատարակած Կիրակոս Գանձակեցիի Համառու Պատմութիւնի յաւելուածին մէջէն, տպ. Վենետիկ, 1865, էջ 239:

քանզի բերդին անուն երէց է քան զերկրիս՝ ի դէպ է կարծել եթէ յետ ժառանգելոյ զայն Խանէի ի Հասանայ, յայնը անուն կոչեաց եւ զկալուածս իւր որ ի հարաւոյ Զորոյ, մինչեւ ի Միափոր, սովին հանդերձ:

Ի յետին դարս կողմանքս կոչեցան Համգաշխմէն, (Գոլենադի Զամշաշէլման - Tschamzatschelman գրէ), յանուն գեղջն եւ գետոյն՝ որ ցարդ ծանօթք են. իսկ Գաւառ Համգաշխման Առաքել պատմիչ կոչէ¹⁷, յետ Լոււոյ թուելով ընդ զերեալսն ի Շահաբասայ: Ցելս Ժարու Գուրգէն արքայ, որդի Աշոտոյ Ողորմածի, ընդ Տաշրաց եւ Սեւորդեաց ժառանգեաց եւ զկայեն, ըստ Վարդանայ պատմչի¹⁸, զոր ոչ զբերդն միայն՝ այլ եւ զգաւառն իմանալի է: Եւ ի սկիզբն ԺԱՀՆ, եղբայր նորա Գագիկ, թագաւորն Անւոյ, ի բաժանել զերկիրն ընդ երկոսին թագաժառանգ որդիսն, զկայեն եւ անդրանկան իւրում Ցովհաննու: Յետ Բագրատունեաց անցեալ յայլոց յայլս, ի էկս ԺԲ դարու տէր երկրին էր Քուրդ իշխան մայրենի հաւ Զաքարեանց, եւ զրկեալ առ ժամանակ մի՝ դարձեալ տիրեաց առ Թամարաւ: Իսկ որդի նորա Հաւան եթող զայն քեռորդւոյ իւրում իսանէ Աթաբէկի եւ զարմի նորա:

Ի նախնեաց ստէպ յիշին յերկրիս երկոքին մենաստանքն Հին եւ նոր Գետիկ, յարակից նոցին տեղեօք սակաւուք, յորոց առաջինն, այսինքն բուն Գետկայ վաեթն յանուն գեղջ Հնոյ՝ կայ ըստ պատմչին «ի վերայ, չետոյն մեծագունի՝ զոր անուանեն Աղստեւու գետ, յաջմէ կողմանէ գետոյն»¹⁹, որ է ի հարաւոյ, ուր եւ ցարդ երեկին մնացուածք նորա, սուր ինչ ի վերոյ քան զիապնուրդս Թարսայ յԱղստեւ: Ոչ յիշտակին ժամանակ ո՛չ շինութեանն եւ ո՛չ այլ ինչ դէպք, բայց միայն զի ի միջոցի 1184-1190 ամաց առաջնորդ վանացն էր սարկաւագ ոմն վարդապետ՝ աշակերես Մինիթարայ Գոշի, առ որ եկեալ սորա եւ պատուով ժողովեալ լինէր. «Եւ անդ դարձարեալ յոլով ժամանակս, ապա եղեւ չարժ սաստիկ որ զբազում տեղիս կործանեաց եւ տապակեաց զբարձրաբերձ շինուածս, ընդ որս եւ խախտեցաւ եկեղեցին Գետկայ սաստիկ յոյժ, մինչ զի ոչ լինէր Հնար վերստին նորոգելոյ: Ապա երկմտեալ բնակչացն կամէին ցրուիլ այսր եւ անդր, ոչ միայն վասն խախտելոյ եկեղեցւոյն, այլ զի եւ նեղալ էին ի մերձակայիցն: Քանդի ոմն յիշխանացն՝ Սարգիս անուն, փոխեաց զգեղն իւր ի տեղւոշէն իւրմէ, եւ բերեալ շինեաց մերձ ի վանս այլ գեղ, եւ այնուհետեւ բազում գտառթեամբ կային ընդ միմեանս, քանզի պարսաւագէտք էին հանապազօր: Իսկ վարդապետն սուրբ՝

17. Հմմտ. ԱՌԱՔԵԼ ԴԱԿԻՐԻԺԵՑԻ, Պատմութիւն, Վաղարշապատ, 1898, էջ 53:

18. ՎԱՐԴԱՆ ՎԱՐԴԱՊԵՏ, Հաւառումն Պատմութեամ, Վենետիկ, 1882, էջ 92:

19. ԿԻՐԱԿՈՍ ԳԱՆԶԱԿԵՑԻ; Պատմութիւն Հայոց, Երեւան, 1961, էջ 209.

արգել զնոսա անդ ի խորհրդոյն յայնմանէ, ոչ թողով զմիմեանս եւ ցրուկի, այլ ի միասին կեալ եւ խնդրել իւրեանց բնակութիւն»: Յետ շինութեան միւսոյ Գետկայ՝ սա Հին կոչեցաւ, եւ այժմ երկու եկեղեցիք մնան ի տեղւոջն, եւ Հուաւ նմին գիւղատեղի լքեալ, որ թուի Սարգսին յիշեցելոյ: Մերձ նոցին է եւ Սաքոս կամ Թաղոս գիւղ, բնակեալ ի ռուս Սալեաքանաց, 20 երդ:

10. Յետ կործանելոյ սասանութեամբ հնոյն Գետկայ, խնդրեալ Միսիթարայ եւ միաբաննիցն յիւանէէ այլ տեղի, «եւ նա հրամայեաց նոցա տեսանել թէ ո՞ր տեղի պատշաճ իցէ. եւ նոցա շրջեալ գտին տեղի մի բարեվայելուչ եւ գոգածեւ առ ստորոտս երկուց լերանց՝ որ կայ ի զլիոյ նորա, զոր անուանէին տաեղին Տանձուտաց-ձոր, եւ էր ի նմա գիւղ եւ ձորակ մի փոքրագոյն անցանէր ընդ մէջ նորա, եւ միւս եւս յորդագոյն յաջմէէ կողմանէ, տեղի փայտաէտ եւ ջրաւէտ. անդր համարեցաւ թէ պատշաճ իցէ զետեղիլ»²⁰: Եւ է տեղին յահեկէ թարսայ եւ յարեւմտից, սակաւուք հեռի ի խառնրդոցն ընդ Ազստեւոյ, եւ իբրեւ վեց մղոնաւ յարեւելեան հիւսիսային ծայրէ Ծովուն Գեղամայ, եւ ճշգրիտ պահէ զնկարագիր պատմչին ջրովքն եւ աճիւնաճիւլ անտառօքն գիւղն Տանձուտ. յամին 1155 տուեալ էր Հաղպարծնի վանաց ի Սարգսէ սպասալարէ՝ հօրէ հւանէի: «սկսաւ այնուհետեւ վարդապետն սքանչելի հանդերձ միաբանօք իւրովք ձեռն ի գործ արկանել շինութեան վանից եւ եկեղեցւոյ ի վեր ասացեալ Ձորն Տանձուտայ, հրամանաւ մեծ իշխանին հւանէի: եւ շինեցին եկեղեցի մի գեղեցկաչէն փայտակերտ, եւ օծեալ կնքեցաւ յանուն սուրբ Լուսաւորչին Գրիգորի: էր ի տօնախմբութեան սուրբ եկեղեցւոյն եւ սուրբ վարդապետն Խաչատուր Տարօնացի»²¹:

Եկեղեցիս այս յետ ոչ բազմաց թուի քակեալ եւ այլ ընդ նորա շինեալ, որ եւ կանգուն կայ կից վանիցն, իբր 30 ոտս ընդ երկայն եւ ընդ լայն, կարի փայելուչ եւ խորանայարկ դամբանարանք առ նովաւ. «շինեցին ի նոյն Գետիկ փոքրագոյն եկեղեցի մի՛ յանուն սուրբ Կարապետին Յովկհաննու... ի զլուկ վանիցն. եւ ապա սկսան հիմն արկանել մեծափառ եկեղեցւոյն եւ գեղեցկաչն արուեստիւ գմբեթայարդ երկնանման, սիրալի տեսողաց, սկսեալ ի ՈԽ թուին (1191) Հայոց»²², որում վկայէ եւ զուգաբան արձանագիր եկեղեցւոյն, որ կանգուն կայ ցարդ վայելուչ ձեւով եւ գեղեցիկ գաւթիւ, քառակուտի, 56 ոտս ընդ երկայնն եւ ընդ լայն, ի վերայ չորից ստուար եւ եռահատոր բոլորչի սեանց ամբարձեալ: Արձանն յիշատակագիր կայ ի

20. Անդ, էջ 210-211:

21. Անդ, էջ 211:

22. Անդ, էջ 212:

վերոյ դասուն. «Ի թուին ՈԽ. Զկնի չորս ամաց առնլոյ զերուսաղէմ Մալահաղնին, սկսեալ եկեղեցիս սուրբ ի նորս Գետիկ եւ կատարի յամս հինգ, ի խանգարման զատկին Յունաց, ձեռամբ վարդապետին Միսիթարայ, ի հայրութեան Վարդանայ, ձեռնտուութեամբ բարեպաշտ իշխանին Վախտանգայ եւ նորին զուգակցի Արզու խաթունին, եւ նորին եղբարցն Վասակայ, Խոյդանայ, Գրիգորոյ եւ նոցա զաակաց. լիցի պատարագ յեկեղեցիս ի տաւնի Աստուածածնի, ու աւըն նոցին պապին եւ բ հաւը Արզու խաթունին՝ Քրդին բարեպաշտին, անխափան»: Վախտանգգ՝ խաչնեցին է, տէր Հաթերքոյ, պաշտպան Գոշին: Օժանդակեն շինութեան եւ որդիք Քրդի՝ Դաւիթ եւ Սաղուն: Խսկ տիկինն Արզու խաթուն «Բազում ինչ օժանդակուեցեւ ըստ պատմըշին Կիրակոսի. արար եւ վարագոյր գեղեցիկ՝ դստերօք իւրովք, ծածկոյթ սուրբ խորանին, զարմանալի տեսողաց, ի մազոյ այծիցն կակղագունից, ներկեալ պէսպէս եւ զանազան գործ քանդակակերպ եւ նկարեալ պատկերօք ճշգրտագոյն Հանուածովք, տնօրինականօք փրկչին եւ այլ սրբց, որ Հիացուցանէր զտեսողան...: Եւ արարին նաւակատիս եկեղեցւոյն մեծապէս խմբիւք. անդ էր եւ եպիսկոպոսն Հաղպատայ Յովհաննէս առաքինի եւ սուրբ այր, եւ այլ բազմութիւն քահանայից եւ պաշտօնէից, եւ օծեալ կնքեցաւ եկեղեցին յանուն սրբոյ Աստուածածնի»²³: Ի շինութիւն գեղեցկազարդ գաւթին, յուրում են սիւնք եւ կոփածոյ վէմք, «յոլովք ձեռնտու եղեն, մեծ զօրավարն Զաքարէ եւ եղբայր իւր հաւանէ»²⁴. Թուի թէ իւրոյ եւ ինքն Պատմիչն որ զայսուկի ասէ. քանզի արձանագիր մի ի գաւթի անդ եկեղեցւոյն վկայէ այսպէս. «Կամաւն Աստուծոյ, ես Կիրակոս վարդապետս տվի ի մեր եկեղեցիքս գիրք քսան եւ քառասուն դահեկան եւ մի շուրջառ, եւ դրի զդասերս. միաբանքս տուին մեզ երկու պատրագ ի տաւնի Թադէի առաքելոյն»²⁵:

11. Սա ինքն պատմիչս Կիրակոս արտաքոյ ընդհանուր պատմութեանն՝ գրեալ է եւ գհրաչալի դէպս ինչ Հանդիպեալս Միսիթարայ, զոր «ականջով իմով լուայ, ասէ, եւ աչօքս տեսի զայսքան սքանչելիսս», այսինքն է յետ աւարտման շինութեան վանացն՝ յանձնեալ Միսիթարայ զաշակերտուն ի ինամմ Տիրամօրն, որում նուիրեաց ըզտաճարն, յամին 1198, երթայ յերուսաղէմ յուկտ: Եւ ի դառնալն ընդ առաջ ելեալ նմա աշակերտացն, ի միջասահմանս գաւառացն Գեղամայ եւ Կայենու, ծանուցանեն զի սով մեծ եղեւ յերկրին եւ բա-

23. Անդ, էջ 216:

24. Անդ, էջ 216:

25. ԶԱԼԱԼԵՆՑ ՍԱՐԳԻՒՆ ՎՐԴ., Ճամապարհորդութիւն ի Մեծն Հայաստան, Հա. Ա., Տիկիս, 1842, էջ 143:

զումք յաշակերտացն մեռան։ Եւ նորա տրտմեալ եւ արտասուօք յադօթս կացեալ ի գլուխ լերինն անջրպետի գաւառացն, տեսանհ տեսիլ հրաշալի, եւ ընդունի սկուտեղ մի երիւք նշանարօք եւ սկաւառակ լցեալ, զոր եւ ըմպէ։ Եւ ի վերանալ տեսլեանն առեալ զանօթսն եւ զնշանարսն երթայ խնդութեամբ ի վանսն, զսկաւառակն փոխեալ ի նշան սուրբ, եւ նովալ յարուցեալ զայն ինչ մեռեալ վերակացու աշակերտացն զՊօղոս, եւ առատացուցեալ զսպառեալ շտեմարանսն, եւ զամս եօթն ի սովու կերակրեալ զբագումս։ Իսկ զնշանարացն զմին պատարագեալ յաւուր մտիցն յեկեղեցին, զերկրորդն «կտակ արարեալ զի ընդ ինքեան թաղեցի, եւ զմիւսն հանդերձ սկուտեղամբն՝ եղ ի կապարեայ սնտուկս եւ ամփոփեաց յեկեղեցին»։ Յաւելու պատմիչն թէ զայս ամենայն «ձեռօք իմովք գրեցի, զատ ի պատմութեանց իմոց եւ եղի ընդ սուրբ նշանին, եւ յատուկ կայ գրեալ ընդ սկուտեղին, զոր ամփոփեցինք ի տաճարի սուրբ Աստուածածնին»²⁶։

Իսկ ինքն Միսիթար, ըստ նորին Պատմչի, «քանզի սիրէր զանապատ եւ զամայութիւն՝ արար իւր տուն բնակութեան բացագոյն ի վանացն, շինեաց եւ անդ փոքրագոյն եկեղեցի մի փայտակերտ յանուն Սուրբ Հոգույն, եւ ի ժամանակի ծերութեան ի գլուխ վանիցն յաջմէ կողմանէ շինեաց եկեղեցի մի՝ շրիմ գերեզմանի իւրոյ, կրով եւ վիմօք մածուցեալ սրբագիծ, յանուն Համբարձման Քրիստոսի»²⁷։ Այս ամենայն շինութեանց ձեռնտուք էին «մեծ զօրավարն Զաքարէ եւ եղբայր իւր իվանէ. քանզի նոքա ունէին զիշխանութիւն գաւառին եւ յոյժ սիրէին զվարդապետն, քանզի Զաքարէ խոստովանութեամբ՝ նորա հոգեւոր որդի էր։ Եւ ընծայեցին եկեղեցւոյն սահման ջրադարձիւք, լեռնէ ի լեառն, եւ բով մի յԱբասածոր, եւ զՆորաձորն ի նահանգին Բջնոյ, եւ զԾաշավ ի գլուխ վանացն։ Եւ շինեցին ինքեանք գիւղ մի՝ մերձ ի ծովակն, փոքրագոյն՝ անհնարին խորութեամբ, եւ անուանեցին զգիւղն յանուն ծովակին՝ Տզրկածով, քանզի բազումք մօրասէր եւ տղմասէր սողունք կային. եւ այլ միւս եւս փոքրագոյն գիւղ ներքոյ վանիցն, զոր Ուրելանէջ անուանեցին, շինեցին եւ այլ մատրունս՝ յանուն Սրբոց Առաքելոց, եւ սրբոյն Հոփիսիմեայ»²⁸։

Զաքարէ երկիցս կոչեաց զՄիսիթար կալ ի գլուխ ժողովոյն ի Լուսի եւ յԱնի, վասն խնդրոց ծիսից ինչ՝ զոր կամէր ընդունելի առնել եւ հակառակէին արեւելեայ վարդապետք, եւ առանց Միսիթարայ ոչ հաւանէին գործել ինչ։ Եւ ի ծերութեան նորա թախանձէին գալ յԱնի՝ ասելով. «զանկարութիւն մարմնոյ մի՝ ինչ պատճառէր. եթէ ի ճա-

26. Այս մանրամասնութիւնները տե՛ս ԿԻՐԱԿՈՍ ԳԱՆՁԱԿԵՑԻ, Համանօս Պատմութիւն, Վենետիկ, 1865, էջ 237-243։

27. ԿԻՐԱԿՈՍ ԳԱՆՁԱԿԵՑԻ, Պատմութիւն Հայոց, Երեւան, 1981, էջ 217։

28. Ան1, էջ 216-217։

նապարհին հասանէ քեզ վախճան՝ ընդ առաջին սուրբ վարդապետաց եկեղեցւոյ՝ կարգեցուք զյիշատակս քոյ»³⁰: Եւ նորա երթեալ՝ ըստ իմաստութեան իւրում եւ կարի՝ հաճեցոյց զժողովն եւ զսպալարն, եւ ի հալածել նորա զանհաւանսն՝ զերծոյց ի ցասմանէ նորա, ընդ որս եւ զյանդուգն Տուտէորդին՝ զապաւինեալն առ ինքն: Եւ ինքն անդուկ պարապեալ ի վարդապետութիւն եւ յօդտաշահ գրութիւնս եւ ի ներանձնական խոկմունս՝ յետ 30 ամաց գրելոյ զանմահ յիշատակ գրաւոր վաստակոցն զգիրս դատաստանի, յանձնելով զուխտոն ի պաշտպանութիւն իւանէի մեծի եւ կացուցանելով առաջնորդ զՄարտիրոս վարդապետ «մանուկ տիովք՝ այլ կատարեալ իմաստութեամբ»³¹ հանգեաւ ի մենարանին իմաստասիրապէս նուիրելումն հոգւոյն խաղաղութեան, յամին 1213, եւ եղաւ ի յուսալից շիրմին Համբարձմանն ակնկալութեամբ, «առաջի դրան եկեղեցւոյն փոքրագունի, որ կայ ի զնուկ վանացն յարեւմտից կողմանէ, եւ մինչեւ ցայսօր գերեզմանն նորա օգնէ ցաւագնելոցն՝ որք հաւատով ապաւինին յաղօթս նորա, եւ զհող տեղույն հանապազ տանին ի պէտս հիւանդաց մարդոյ եւ անասնոյ» որպէս ասէ Կիրակոս³², եւ յաւելու պատմել եթի «դէպ եղեւ երբեմն զի պաշտօնեայք նորա կային գրաստիք բարձեալ զինի, ի պէտս վանաց. Վրացի ոմն Բասիլիոս անուն եկեալ բռնութեամբ կամէր առնուկ ի նոցանէ ի գինույն անտի, զի գործակալ էր նա իւանէի, ի վերայ մայրոյն որ պահէր զտեղի իջեւանի նորա: / թէ պաշտօնեայքն ասէին՝ մի՛ նեղեր զմեզ, քանզի Գոշին եմք, զի այսաէս կոչէին զնա մականուամբ, զի հեղդագոյն եկին ալիք նորա: Խակ թշուառականն հայհոյեաց զնոսա եւ զԳոշն: Եւ իրեւ եկն յայն տեղի որ յիշէր զանուն նորա անարդանօք, անդէն վազվաղակի համրացաւ եւ կապեցաւ լեզու նորա, եւ թիւրեցան շրթունք նորա. Եւ այնպէս եկաց բազում ամս, մինչեւ հառաջանօք խնդրեաց զթողութիւն. Եւ ամենայն որ տեսանէր զայրն՝ գովէին զծառայն Աստուծոյ»³³:

12. Յարդ ցուցանի գերեզման մեծի վարդապետին ի փոքրու մատրան, որ թուի նորոգ շինեալ ի Խաչառոյ վարդապետէ, ընդ յարակից զմբէթաւոր եկեղեցւոյն Սուրբ Գէորգայ, զոր յիշէ եւ Պատմիչն, եւ որ ի մատրան արձանագիրն. «Տէր Աստուած ողորմեա Խաչառուր վարդապետին եւ Բարսղին՝ շինողաց եկեղեցւոյս եւ ամենայն աշխատուցանի ի սմա, թուին ԶԴ» (1255)³⁴:

29. ԶԱՄՉԵՍՆ Հ. Մ., Պատմութիմ Հայոց, Հտ. 9., Վենետիկ, 1784, էջ 184:

30. ԿԻՐԱԿՈՍ ԳԱՆՁԱԿԵՑԻ, Պատմութիմ Հայոց, Երեւան, 1961, էջ 219:

31. Անդ, էջ 220:

32. Անդ, էջ 220-221:

33. ԶԱԼԱԼԵՍՆ Ս. Անդ, էջ 145: - Ալիշան իր ճեռագրին լուսանցքին վրայ՝ կու

Մարտիրոս յաջորդ Գոշին «այր շինարար էր, շինեաց այլ ժամատուն անտաշ վիմօք, մածուցեալ կրովք հաստահեղոյս որմովք եւ փայտակերտ վերնայարկօք, որ յետ (սակաւ) ժամանակի փլաւ վերնայարկն: Շինեաց եւ վերնատուն մի գեղեցկաշէն յարկօք, արուեստաւոր ունելով զհիւսն Միթիթար, որ ի բազում իրս աշխատ եղեւ եկեղեցեաց եւ վանից, եւ բազում եղարք ժողովեցան վասն հոչականուն տեղուոյն, եւ բազմաց եղեւ տեղի սննդեան եւ ուսման, որ եւ մեք իսկ սնեալ եւ ուսեալ եղաք ի նոյն վանս: Ակսան շինել եւ եկեղեցի մի հինգ խորանօք, կոփածոյ եւ տաշած վիմօք, գմբեթաւոր եւ գեղեցիկ շինուածովք: Եւ իբրեւ ընդմիջեցաւ եկեղեցին՝ խափանումն եղեւ յոլով ժամանակս, քանզի եկն Սուլթանն Խորասանու, Սալահատինն կոչեցեալ եւ եհար զզօրս Հայոց եւ Վրաց. եւ աւերեաց զբազում գաւառս, վասն այսորիկ եւ յայլ յոլովից մնաց անաւարտ: Յետոյ այլ ոմն Գրիգոր անուն Կապակեցի, որ յառաջն արդիւնաւոր էր ի շնումն եկեղեցւոյն, վերստին ճեն արկեալ աւարտեաց զնա, ի ՈՂ թուին» (1241)³⁴: Կանգուն կայ եւ եկեղեցիս այս՝ կից փոքու եկեղեցւոյ Լուսաւորչին, եւ խաչարձան մի բազմադրուագ քանդակօք յաջմէն նորին, ի վերայ երից աստիճանամեւ վիմաց:

Յետ մահուան իւանէի, սնուցիչ որդւոյ նորա Աւագ Գրիգոր իշխան, Տղայ մականուանեալ, խնդրեաց ի սմանէ «զվանքն Գետիկ ի տեղի իւր գերեզմանի. եւ վասն յոյժ սիրելոյն զնա՝ ետ նմա: Գնեաց եւ գիւղ մի ի նմանէ Վաշխէ անուն, մերձ յԱղստեւ, ետ զայն ի վանքն, եւ այլ բազում արդիւնս արար, գրեան, խաչս եւ անասունս. շինեաց հրաշազան եկեղեցի մի երեք խորանի՝ մերձ ի գավիթս եկեղեցւոյն զարմանակերտ, եւ անուանեցին յանուն սրբոյն Գրիգորի: Նաեւ այլ յոլով շինուածք եղեն ի նմա եւ բազմացան քահանայք եւ պաշտօնեայք եւ մանկունք ուսումնականք»³⁵: Թուի զարդիս Սուլր Խաչ կոչիլ եկեղեցւոյս, երեք խորանօք եւ անկեալ գմբեթաւ, եւ ժամացոյց արեւաշուրք ունելով ի հարաւային որմն³⁶:

Ինքնին Գրիգոր արձանագրէ առ լուսամտիւ միով տաճարի Տիրամօրն. «Կամաւն Աստուծոյ, ես Գրիգոր Հեղուր Ամիրսպասաւար Աւագին, որդի Սմբատայ որդւոյ մեծին Վախտանգայ՝ կողմնապետաց աշխարհին Արցախոյ, առեալ Աթարէգէ Իվանէիս եւ իւրեան ազգի առաջնորդ կացոյց, զի ոչ ունէին զաւակ՝ յուսով խնդրեցի

տայ հետեւեալ մանրամասնութիւնը. «Խանգարեալ ի հնութենէ՝ զարդիս փայտիւ ծածկեալ է յարկ մատրան գերեզմանին, եւ պատուի ի բարեպաշտից» («Մեղու», իդ, 47):

34. ԿիրԱԿՈՍ ԳԱՆՁԱԿԾՅԻ, Պատմութիւն Հայոց, Եղեւան, 1961, էջ 221-222:

35. Անդ, էջ 233:

ա. Այս վերջին նախարարաւթիւնը Ալիշան յետազային ներմուծած է բնագրին մէջ, իբր արբիւր նշանակելով՝ «Մեղու, իդ, 47»:

զայս եկեղեցի ինձ շրիմ հանգստեան. Աւագն ինձ երետ եւ միաբանքս սահմանեցին զայս խորանս պատարագել ինձ զՔրիստոս հանապազ. ով որ կարդայք Աւագին երկար կեանք ինդրեցէք եւ Գրիգորոյ մեղաց թողութիւն. թէ աւագ կամ առաջնորդ խափանէ՝ երեքհարիւր տասն եւ ութին հայրապետաց նզոված է եւ մեղացն տէր է»³⁶:

Կիրակոս պատմիչ, յետ ազատութեանն ի գերութենէ Թաթարաց, յամին 1237, «եկաք, ասէ, ի տեղի սննդեան մերոյ՝ ի վանքն որ կոչի Գետիկ, եւ նա աւերեալ էր ի նոցանէ, եւ այրեալ զշինուածն որ ի նմա, եւ անդ զադարեցաք»³⁷: Բայց յայտ է թէ վաղ նորոգեցաւ:

Ի յիշատակարանի մեկնութեան երեմիայրոր շարագրեաց Գոչ յամին 1187, յիշէ եւ նոր եկեղեցի «յանապատին Գետկայ, ըստ հովանեատ սուրբ Գողոգորայի եւ Լուսաւորչին Գրիգորի», որ ո՛չ ի պատմէչն յիշատակի եւ ո՛չ յարձանագրաց գուցէ քակեալ իցէ կամ կիսաւեր եկեղեցին այն փայտացէն եւ անտաշ քարամքը՝ որ յանուն Տիրամօր ցարդ երեւի եւ առընթեր զանգակատուն կիսակործան:

Արձանագիր մի ի վերոյ սեղանոյ Տիրամօր տաճարին ծանուցանէ զկարեւոր ի գիտել, թէ ի թուկին «ԶԼԲ (1283) Յուսով ողորմութեամբ Աստուծոյ, ես ձարս որդի պարոն Ումիկին թուռն ձարին, աշխարհաւ Մանագիկերտցի, յաշխարհակալութեան Ղարանովին, ի թագաւորութիւնն Վրաց Դեմիարի Բագրատնոյ, իմ հայրն Ոմիկ գնեալ էր զԳետիկ ի լոռ (4000) կարմիր գուգատի. ես ձարս գնեցի զհովս իւր ամէն սահմանօքն ի դառն ժամանակի, որ հայրենիքն յարժան էր եւ ոսկին թանգ. դռ (4000) կարմիր գուկատ տվի Գետկայ Աստուծածնին իմ հոգոյ տանս, յիշատակ անջնջելի իմ ծնողաց Ումիկին եւ Թագուհւոյն, ինձ եւ իմ որդիացն Արդութին իւր եղբարցն, առաջնորդութեամբ Ղասապ վարդապետին, եւ միհարանքս սահմանեցին զաւագ հինգ շաբաթ աւրն, Զատկի աւրն զամէն եկեղեցիքս պատարագ՝ որչափ մեք կենդանի եմք՝ մեր ծնողացն լինի, եւ ետ յելից մերոց յաշխարհէս՝ մեզ լինի, արդ ով զայս գիւղս հանել ջանայ այսմիկ եկեղեցեւոյս կամ զիմ յիշատակն խափանէ, ոք եւ իցէ որ լինիցի ի ծննդոցն Աղամայ՝ եղիցի նզովեալ» :

Եկեղեցեակ մի եւս յանուն Առաքելոցն Պետրոսի եւ Պողոսի վայելուչ յօրինուածով՝ կանգուն կայ ցարդ, եւ առ երի՝ տապանք երկուց քերց, արպէս ասի, սատարողաց շինութեան տեղւոյս: Զատ յեկեղեցեացն եւ ի միջից նոցին կայ երկյարկեան շինուած քարակերտ, զոր Խահարան կոչեն, իբր 22 չափ քառակուսի, զի երեւին ի նմին

36. ԶԱԼԱԼԵՍԱՆՑ Ա., ԱՅԴ, էջ 139:

37. ԿԻՐԱԿՈՍ ԳԱՆՁԱԿԵՑԻ, Պատմութիւն Հայոց, Երեւան, 1981, էջ 252:

տեղի վարառանի եւ պահարանք. վերնայարկն զմատրան կերպարան ունի:

13. Առաջնորդք վանացս՝ յետ Միսիթարայ Գոշի՝ նշանակին ի կերակոսէ եւ յարձանսն.

Մարտիրոս՝ 20 ամ [Միսիթար [Յովասափ [Աբրահամ [Խաչատուր՝ ի 1254 [Տէր Յովհաննէս Արմանեցի եպս. 1256 [Ղասապ՝ 1283 [Սարգիս՝ 1291 [Մինաս՝ 1894 [Տէր Դաւիթ եպս.՝ 1709 [Յովհաննէս տեղակալ նորա:

Դաւիթ առաջնորդ Ղարազու՝ անէ յամին 1894 գտեալ յերկրին Դիզակայ զԱստուածածինն Գոշայ, զպատկերն, եւ դարձուցեալ յաթոռն: Յառաջ քան զՄինաս՝ զամս 400 ոչ գտանեմք յիշատակս զվանացն, եւ ոչ յետ Դաւիթի բայց տեղին չէն է տակաւին եւ անկործան: Եւ արձանագիրը յեկելեցին նորին, բաց ի վերոյ գրելոցն, են յետադայքը. այլ անծանօթ մնան տեղին յիշատակեալք ի նոսին եւ ի պատմութեան Կիրակոսի, Ճքայ այգին եւ Սաքարակ՝ եթէ ուղիղ իցէ ընթերցուածն, եւ գիւղորայք՝ Արասանոր, Վաշնէ, Օշավս եւ Ուրիանիշ (որոյ անուն գելեւէջի իմաստս տայ): Իսկ Տզրկածովն գիւղ՝ ամայացեալ է այժմ եւ կոչի Զուրիստան, եւ լճին՝ որ արդ Ղամիշկու (Ծղեգմալիմ) կոչի եւ բերէ ցարդ տղրուկս, իբր կիսաժամաւ է շրջապատ, հովանացեալ ածիւնաճիւղ վարսաւոր ծառովք, որք նկարագեղ եւ վսեմական իմն երեւոյթ ընծայեն վայրոցն, եւ ցանկալի առնեն զնորոգութիւն դաստակերտի մեծի վարդապետին Միսիթարայ, եւս առաւել զկենցաղավարութիւնն, յոր սակս, յամի 1865, երեւանեցի ուն Վախտանգ Փարսաղանեան, աշխատ եղեւ յապահովել զհասս կալուածոց վանացն, այլ ցարդ ամայացեալ մնայ: Բանասէրն Քերովք Պատկանեան, յամի 1880, յայց ելեալ կողմանցս՝ բարեզգած նկարագրէ, սիրացեալ ընդ վայելչութիւն շինուածոցն եւ ընդ երեւոյթ լճակին:

14. Արձանք Գոշայ վանացն.

Ա. «Աստուծով Միսիթար վարդապետս միաբանեցայ Աստուածածիս եւ հաստատեցին մեղ երկու պատարագ ի տաւնի ութաւրէից, իշաթունին եւ Սարգին» :

Բ. Ամբողջ այս պարբերութիւնը Ալիշան յետագյին գրած է լուսանցքին վրայ, միշտ քաղելով նոյն աղբիրէն («Մեղու», ի՞ն, 47):

Գ. Տե՛ս նախորդ ծանօթութիւնը (ք.):

Դ. Արձանագրութիւնները Ալիշան առած է Ձալալեանց Սարգիս Վրդի յիշեալ աշխատութենէն, էջ 188-145, ուղղելով տարրական վրիպակները:

Բ. «Մեք իքնատիոս վարդապետ եւ որ մերքն, նորոգեցաք զեկեղեցիքս եւ եղաք զպատուարս, տնկեցաք այգի. եկեղեցւոյ ժամն նոցա դրաք. որ խափանէ դատի յԱստուծոյ»:

Գ. Ի վերայ դրան աւագ խորանին. «Այսմ խորանի միշտ յարակայ լինի պատարագ, եւ խափանաւղքն առցեն զվրէժ դատապարտութեան»:

Դ. «Ես Սառ(ս?)նայս միաբանեցայ սուրբ Աստուածածնիս իմ որդւովք եւ ամուսնաւ պարոն Գրիգոր. եւ միաբանքս հաստատեցին մին պատարագ ինձ ի տաւնի սուրբ Սարգսի, որ խափանէ դատի ի Տեառնէ»:

Ե. «Ես Բարսեղ միաբանեցայ սուրբ Աստուածածնիս, միաբանքս ետուն մէկ պատարագ ի տաւնի Մաղկազարդին եւ սրբոյն Բարսղի. կատարիչք աւրհնին յԱստուծոյ»:

Զ. «Ես մեղուցեալ աղախին Քրիստոսի Ազիզ, պաշտանեայ Նրգոին, միաբանեցայ սուրբ Աստուածածնիս, ետուն ինձ մի աւր պատարագ ի տաւնի սրբոց Հորիքսիմեանց, որ խափանէ դատի յԱստուծոյ»:

Է. «Կամաւն Աստուծոյ ես Ստեփաննոսս միաբանեցայ սուրբ Աստուածածնիս, եւ սոքա ետուն մի պատարագ ի տաւնի Կիրակոսին, որ խափանէ դատի ի Տեառնէ»:

Ը. «Կամաւն Աստուծոյ ես մեղուցեալ ծառայ Ալէքնէքայ որդի Վասակայ, միաբանեցայ սուրբ Աստուածածնիս, իմ հալալ ընչից գնեցի առաջին ձեքայ այգին ո (1000) սպիտակի, տի սուրբ Աստուածածնիս որ չէն պահեն. միաբանքս տուին ինձ հինգ պատարագ Մաղկազարդին»:

Թ. «Կամաւ Աստուծոյ ես Գոհարայ յուսով միաբանեցայ սուրբ Աստուածածնիս. միաբանքս ետուն մեղ մի պատարագ ի տաւնի սրբոյն Բարսղի անխափան»:

Ժ. «Ես Մխիթար քահանայս միաբանեցայ սուրբ եկեղեցւոյս ընծայիւք վարդապետաց եւ միաբանքս հաստատեցին ինձ մի աւր պատարագ ի տաւնի սրբոցն Գայիխանեանց»:

ԺԱ. «Թուին ԶիԶ. Կամաւն Աստուծոյ ես Անդուրս եւ որդիք իմ Թաթին եւ ամուսինն իմ Մանքու, միաբանեցաք սուրբ Աստուածածնիս եւ ետուն մեղ պատարագել զեղիայի տաւնին սուրբ Շողակաթին»:

ԺԲ. «Յուսովն Աստուծոյ նուաստ Շալվանս ընծայեցի ախեայց իմոց զկայս վերջին» (?):

ԺԳ. «Ես Գայլս եւ ամուսինս իմ Աւագդուկիտն միաբանեցաք սուրբ Աստուածածնիս եւ ետուն պատարագ ի տաւնի Մաղկազարդին»:

ԺԴ. «Ես Խոյագեղս միաբանեցայ սուրբ Աստուածածնիս կամակցութեամբ միաբանացս եւ ստացայ մի պատարագ ի տաւնի Համբարձման, որ խափանէ դատի յԱստուծոյ»:

ԺԵ. «Ես Ենովք միաբանեցայ որդովքս ի հայրութեան Միսիթարայ վարդապետին եւ միաբանաց կամակցութեամբ ստացայ երկու պատարագ ի տաւնի սուրբ Խաչին»:

ԺԶ. «Ես Զոյիկս միաբանեցայ սուրբ Աստուածածնի մերոյ, պատարագել ինձ ի նոր կիւրակէի»:

ԺԷ. «Ես տէր Յօհաննէս միաբանեցայ սուրբ Աստուածածնիս եւ միաբանք ետուն ինձ պատարագ ի տաւնի Անդրէի առաքելոյն»:

ԺԸ. «Ես Հարբս (?) ետու զՄաքաերախն ի ջրաղացէն ի վեր վանքս, եւ ստացայ պատարագ ի տաւնի Աստուածածնիս»:

ԺԹ. «Ի տաւնի սուրբ Խաչին մի աւր պատարագ Խաչատուր վարդապետին եւ եղբարց իւրոց եւ ծնողաց, զի նոցա ընչիւք շինեցաւ խորանս»:

Ի. «Շնորհիւն Աստուծոյ եւ կամակցութեամբ եղբարցս եւ միջնորդութեամբ տէր Գրիգորիսի՝ գրեցաւ յիշատակ եղբարց մերոց պարոն Արտաւազայ. միաբանք սուրբ ուխտիս սահմանեցաք ի տաւնի Դաւթի եւ Յակաւայ մատուցանել պատարագ ամենայն եկեղեցիս. կէսն Արտաւազայ եւ կէսն ամուսնոյն իւրոյ Ալթային, որ խափանէ դատի ի Տեառնէ»:

ԻԱ. «Մէք Եղբարյս Աբումայ Աբուղամրի եւ Հայրադեղս զմեր հոգոյ արդիւնս եկեղեցւոյ շինութեան աւաք խորանի սուրբ Սարգսին մեզ պատարագ հաստատեցին»:

ԻԲ. Ի դրան փոքու եկեղեցւոյն. «Յուսով Աստուծոյ երկու եղբարցս Մարտիրոս եւ Գրիգոր եւ ամուսին Թամար եւ Արլ. շինեցաք զեկեղեցիս, միաբանք խոստացան պատարագել, Մարտիրոսին, Թամարին եւ Արդուխաթունին եւ Մատթէոսին. անափան կատարիչքն աւրէնին Աստուծոյ»:

ԻԳ. «Թուրին ԶԽԵ. Ես որդի Գայլաձագին միաբանեցայ սուրբ Աստուածածնիս, հաստատեցին մեզ եօթն պատարագ ի տաւնի Յաւհաննու Կարապետին զկնի Յայտնութեան, մի իմ հաւրն Գայլաձագին, մի իմ մաւրն Մամբունին, զերկուսն իմ եղբարցն Բոււլանին եւ Աղբերկանն, կատարիչքն աւրէնին Աստուծոյ»:

15. Ի թիկանց լերանց երկոցուն որք գործեն զՁորն Տանձուտայ, յորում մենաստանն Գոշայ, յարեւմտից կուսէ ի գլուխ երկուց ուահից ճանապարհի, որք ի Գեղամայ եւ ի Կողբաց, եւ տանի ի Բամբակի ձորն, կայ Տիլիթան գիւղ յահեկէ Համգաչիմէն գետոյ, ի բարձու 4230', տարածեալ ի գարեւանդ ի բարձու 100-150' յափանց գետոյն, եւ յեցեալ ի կողս մացառուտ ափափայ վախից, դիտելով զհո-

վիտ գետոյն եւ զծանձուտայ եւ զգեօղեան նորին եւ զՄիափորայ, որք նման Տիլիճանայ ի բարձր բարձր դարեւանդս պորփիւրեայ քարաբըրոց կառուցեալք են. ամարանի ամենազուարձ են վայրքն հովութեամբ եւ ծաղկազարդ դալարութեամբ: Նշանաւոր եւս է գեօղս ըստ քաղաքական դրից, միջասահման գոլով Վրաց եւ Հայոց, Գուգարայ եւ Արևոտնեաց եւ Այրարատայ, անցք կարաւանաց եւ վաճառուց, եւ իջեւանատեղի մեծ, յորում իբր երկու դարուք յառաջ 300 տունք յլշին ի Շարտէնայ³⁸, եւ կիսով չափ նորին ի 1827: Այլ ի նմին ամի ի մարտին Ռուսաց՝ Պարսք աւեր ամայի կացուցին զվայրն, որպէսզի յետ տասն ամաց յանցանել ընդ այն Տիւպուայ³⁹, որ տայ գտեղագիր վայրացս, 4 կամ 5 տուն միայն բնակիչք էին, տունք ամայիք եւ տանիք հողաթաւալք, եւ եկեղեցւոյն քանդեալ՝ դասն միայն կայր կանգուն խաչվիմօք եւ արձանօք յորմս, սեղանն վէմ էր դամբանական. քիւ տանեաց եկեղեցւոյն վայելուչ իմն եւ նորաձեւ ոճով, ի կանաչ պորփիւր քարէ, յորմէ գտանին եւ տապանաքարք մերձ յեկեղեցին, մանեկաձեւ թիսագոյն երակօք. յոլովոթիւն դադաղաձեւ դամբանացն ի վերայ վիմաց եւ խաչարձանքն նշանակը կան հին բարգաւաճանաց տեղույն: Է անդ եւ աղբիւր բդիսեալ ի գետնոյ, յորոյ վերայ շինեալ է խորշ բոլորաձեւ խորութեամբ, յորմէ աղիւսեայ ագուգայիւր խաղայր ջուրն: Էր եւ կամուրջ քարաշէն Կրկնակամար ի Տիլիճան ի վերայ գետոյն, եւ միւս եւս յահեկէ գետոյն ի վերայ ծործորոյ նուազելոյ: Այժմ իբրեւ 30 տունք են ի նմա:

Ցելից հարաւոյ գեղջն վտակ մի փոքրիկ յանուն նորին՝ թափի ի գետն յաջմէ, երագահաս իջեալ ընդ ծործորակ զառ ի թափ իբր 3' առ մէն 100', որով աղբեռակն նորա ի թիկունս էշէկ-մէյտանայ համարի իբր 1000' բարձր քան զՏիլիճան: Ընդ ծործորն եւ ընդ եզերս համարի լեռ 1000' բարձր քան զՏիլիճան: Ընդ կողմէն բնակչութեամբ, որ բարձր է իբրեւ ընդ հին եւ անուանի լեռնանցսն էշէկ-մէյտանայ, որ բարձր է իբրեւ 7000': Ցայս կողմէն զլիսոյ լերին՝ Միկիթար Գուշ ի դարձին յերուսաղէմէ յաղօթս կացեալ՝ ետես զհրաշական տեսիլն:

Սահմանք Տիլիճանայ ցվեց փարսախ ընդ հիւսիս եւ վեց ընդ հարաւ, յաւուրս Շարտէնի, չէն էին բազմութեամբ գիւղորայից Վրաց եւ Հայոց, եւ իշխան երկրին կոչէր Գամշի-խան:

38. CHARDIN LE CHEVALIER, *Voyages en Perse et autres lieux de l'Orient*, T. I-X, Paris, 1733. Ալիշան օգտագործած է այս տասը հատորները, ստէպ նշանակելով չեղինակին անոնցը ձեռագիրներուն լուսանցքներուն վրայ, առանց մանրամասներու հատորը կամ էլլը:
39. DUBOIS FRÉDÉRIC, *Voyage autour du Caucase*, T. I-VI, Paris, 1839-1843. Ալիշան շատ օգտուած է այս հատորներէն, լուսանցքին վրայ նշանակելով «Տիւ» կամ «Տպ» . չի նշանակեր գործածած հատորները եւ համապատասխան էլլը:

16. և գիւղից յասցանէ են Պօղոս-գիլիսէ ի հիւսիսոյ արեւմտից Տիլիճանայ, այժմ հանգըռուան անդէորդաց 20 տամբք, ի ստորոտս լերանց Զարտակլեայ: Բախտիար եւ այլ ոչ սակաւ գիւղորայից մնացուածք, ընդ որս եւ Խաչախ պէյ աւանի կամ քաղաքի, յորոյ անուն կոչեցաւ գաւառն՝ ըստ ոմանց:

Արեւմտագոյն գիւղորայիցս՝ հուակ ի սահման Բամբակայ է Համ-զաշիմէն առ համանուն գետով՝ ի վերայ արքունի ճանապարհին, 17 վերստ ոռու հեռի ի Տիլիճանայ, թուի գլխաւոր տեղի համանուն վի-ճակին, զորոյ զորպէսն ոչ գիտեմ:

Իսկ ի հիւսիսոյ արեւելից Տիլիճանայ յահեկէ գետոյն այսր քան զիսառնուրդն Թարսայ եւ ի հարաւոյ՝ Ագ-գայա կոնաձեւ քարալե-րինն՝ կայ Ճարխէչ կամ Զարխաչ գիւղ Հայոց, եկելոց ի Հաջալոյ 35 տամբք, որ մեծ եւ բազմամարդ էր յորժամ Շարտէն գիշերօթ արար ի սմա յՅ Մարտի, յամին 1673: Եղեւենք եւ գթհիք ծածկեն զոսոս լե-րինն, եւ ընդ մէջ նորին եւ գեղջն ամբառնան պասալտ կարկառք զարմանալի տեսլեամբ, Հնգանկիւնի կամ այլազգ հատուածակողմն ձեւով սիւնաքատակ ամբարձեալ զանազան չափով, ի միոյ ց300 ոտ-նաչափ, նոյնպէս եւ թանձրութեամբ զանազանեալ ի մատնաչափէ ցվեց ոտնաչափ, իսիտ առ իսիտ տողեալ՝ որպէս զիտող երգեհոնի: Ան-տառամոլ է եւ հարաւակողմն գեղջս մինչեւ ի Գետիկ:

Վտակ փոքր յարեւմտից կուսէ իջանէ առ Ճարխէչիւ յԱղստեւ, եւ առ նմին են Ղօշտողան գիւղ աւերակք առ ստորոտով համանուն լերին:

Ցաջմէ, որ է յարեւմտից վտակիս 3 կամ 4 մղոն ի Ս. Հ. Ճար-խէչի եւ 7 մղոն ի Գոշայ վանից, ի նոյն ի Հ. Ս. մերձ ի Ղօշտողան՝ կայ Հաւարձին կամ Հալարձին որ եւ Խալարձին գիւղ անուանի, ի սակս հոչակաւոր վանացն որ յանուն գեղջն կոչի, թէպէտեւ նուռիր-եալ է Տիրամօր եւ Սուրբ Գրիգորի, զուգապատիւ Գոշայ վանաց, եւ իբր 8 մղոնաւ հեռի ի նմանէ՝ ի հիւսիսոյ կողմանէ, եւ յառաջ իսկ քան զնա կառուցեալ: Թուական շինութեան մեծի եկեղեցւոյն՝ ըստ Սարգսի Զալալ է Շի (1071), բայց յետ կիսոյ ԺԲ դարու՝ պայծառա-ցաւ տեղին յառաջնորդութեան մեծի վարդապետին Խաչատրոյ Տարօ-նեցւոյ: «Սա պայծառացոյց զուրբ ուխտն, յորում առաջնորդ էր ինքն, որ յառաջ քան զգալ նորա ամայի էր եւ իսամբացեալ: Զսա պատուէր մեծապէս թագաւորն Վլաց Գորգի՝ Հայր Թամարին, եւ ետ եկեղեցւոյն ճեռնագրաւ իւրով զերկու գիւղսն, զԱրասանոր եւ զՏանձուտն եւ զայգի մի Միջնաշիմին»⁴⁰:

Գլխաւոր եկեղեցին է յանուն Տիրամօր, . . .՝ յերկայնութիւն եւ ի լայնութիւն եւ ի վերայ չորից սեանց, սրածայր կաթուղիկէին գա-

ւիթն քառակուսի...՝, յորոյ յարտաքին որմն կան քանդակ պատկերք վարդապետաց ոմանց եւ ձեւ տաճարին ի ձեռս նոցա, որք եւ թուին Խաչատուր եւ Սուքիաս, որոց է արձանագիրս ի գաւթին յահեկէ դրան եկեղեցւոյն. «Ի թուին ՈՒ, ի թագաւորութեան Ափխազաց Գաւրգեայ, ի հայրապետութեան Հայոց Տեառն Գրիգորիսի՝ ես Խաչատուր վարդապետ եւ Սուքիաս, նորոգեցաք զսուրբ Գրիգորս՝ Հրամանաւ թագաւորին եւ իւր մեծամեծ իշխանաց, Սարգսի Ամիր Սպասալարին, գհին եւ զնոր կազմութիւնս գրով ետ ի սուրբ Գրիգորս, զայգին Միջնաշինին ջրին, զՏեառն-խաչ, Կովազանից ի միջին զՔուրդ-գեղանն, զԱրասածորն, զՏանձուտն, եւ հրամայեաց թագաւորն զսուրբ Խաչին տաւնն յիւր յիշատակ կառարել. արդ որք հակառակ կան եւ հանել ջանան՝ քակեսցին տամբք եւ որդուվք եւ ազգայնովք նզովեսցին ի վարձէ Աստուածածնէն եւ ՅԺԸ հայրապետաց եւ ջնջեսցին յայսմ կենաց. ամէն»:

Վարդապետու Խաչատուր, որ գտա՛ ի նաւակատիս օծման. Գոշայ եկեղեցւոյն եւ ի ժողովն Լոռոյ, եւ երգեաց զԽորհուրդ խորինն, աստ «Հանգեալ ի Քրիստոս, եւ կայ թաղեալ յարեւմտից կուսէ եկեղեցւոյն» ըստ պատմչին Կիրակոսի⁴¹:

Մերձ ի սա է Սուրբ Գրիգոր եկեղեցի փոքր. . . , քառակուսի, մեծաւ գաւթաւ. . .՝ քառակուսի, զոր շննեալ է Աթարէդ հւանէ, որպէս արձանագրէ ի վերայ դրան գաւթի մեծ եկեղեցւոյն. «Կամաւն Ամենակալին/Աստուծոյ, այս մեր գիր յիշատակի է եւ արձան մշտնչենաւոր որդեաց մեծին Սարգսի, յազգէ Բագրատունեաց իւանէի եւ Զաքարէի, յորժամ նախախնամութիւնն Աստուծոյ եհաս յարարածս, եւ ետ նորոցն տիրել սեփական ժառանգութեան նախնեաց մերոց, եւ ետ ի ձեռս մեր յառաջ զանառիկ դղեակն զԱնբերթ եւ զթագաւորանիստ քաղաքն Անի, եւ ապա զամուրն Բջնի, զՄարտնդ մինչեւ Գաւագանք (?) ի թաւրեժ, Կարնոյ քաղաքն մինչեւ Խլաթ, զԵրուան եւ զԵրեւան, զՊարտայ մինչեւ Թելուկան, եւ զայլ բազումս իւրեանց սահմանովն՝ զոր աւելորդ համարեցաք յիշատակել: Այլ անբարկանալին Աստուած սիրեաց զթագ պարծանաց զվսոյ իմոյ զԶաքարէ, կոչեաց առ ինքն, որոյ ձեռն եղեւ արիութիւն, եւ ես շննեցի ի մեր հայրենի վանքս Հաղարծին, ժամատուն վիմարդեան եւ կամարակապ ի զուռն սուրբ Գրիգորիս, եւս այգի իւրեան, որ վասն յիշատակի եղոր իմոյ. եւ պարտին սպասաւորք սորա աւագ աւուրն (?) առնեն պատարագ Զաքարէի, մատուցանել անխափան. կատարիչք աւրհնեալ լինին Աստուծոյ»:

Իսկ եկեղեցւոյն վնող է Խալթ, որպէս ցուցանէ արձանագիրն ի վերայ կաթուղիկէին. «Ի թուին ՈԽԳ (1194). Յիշխանութեան իւանէի

41. Անդ, էջ 212:

եւ առաջնորդութեան Խաչատուր վարդապետի, ես Խալթ որդի Հարբայ՝ շինեցի գեկեղեցիս վասն իմ հոգւոյս փրկութեան. եւ ամենայն միաբանքս զՅայտնութեան ճրագալուցին ժամն ինձ հրամայեցին եւ Զատիկն՝ որ անխափան առնեն, կատարիչք գրոյս աւրհնին Աստուծոյ»:

Յահեկէ եկեղեցւոյս կան երկու մատրանաձեւ շիրիմք՝ արձանագրաւ. «Այս է Հանգստարան թագաւորաց Գագկայ եւ Գաւրգայ»: Գաւրգին թերեւս իցէ որդին Անհողնի. այլ Գագիկ՝ չգիտեմ ո՞վ է: Գոն եւ ա'յլ երկու փոքրիկ վայելչաձեւ եկեղեցիք, մին Սուրբ Ստեփանենոս, միւսն ի Հարաւոյ նորին:

Յարեւմտակողմն եկեղեցեացս կայ Տրապիզիտն, զոր ըստ պատմքին՝ Յովհաննէս Արմանեցի առաջնորդն «Շինեաց ի Հաղարծինն սեղանատուն երեւելի եւ սրբատաշ վիմօք»⁴², յառաջ քան զամն 1248, քանզի գոյ արձան յիշատակի ի վերայ դրան նորին յայնմ ամի. «Յառաջնորդութեան Յաւհաննէս վարդապետի եւ շինութեան աստուածաշէն տան եւ ես Կուտայ... ետու ի Տարապիզտս, միաբանքն խոստացան ի տաւնի Բարսղի ինձ պատարագել»⁴³: Երկայնութիւն սեղանատանս է..., եւ լայնութիւն..., եւ մերձ նմին քարուկիր տուն կալոյ Կալապան կոչեցեալ եւ գուրք ամբարոց ի նմա⁴⁴: Յարեւելից կուսէ վանացս կան երեք մատրունք. մին ի բարձու եւ ջուրք ի կողից նորին իջանեն ի ծործորս:

17. Ի քսանիւ չափ արձանագիրս վանացս եւ առ Կիրակոսի՝ առաջնորդք սակաւք յիշատակին, եւ ամենեքին ի միում դարու ժամանակի կացեալք, որոց առաջին թուկ՝

... Նախորդ Սարկաւագ

Սարկաւագ վարդապետ

Խաչատուր Տարօնեցի 1155–1205

Ստեփաննոս 1206

Սարգիս

Տէր Յովհաննէս Արմանեցի 1248–56

Խաչատուր 1254

Առ Սարկաւագաւ՝ Գագ կամ Գագիկ եւ Աշոտ՝ որպէս թուի իշխանագունք, արձանագրեալ են ի վերնադրան գաւթի եկեղեցւոյն. «Կաման Աստուծոյ ես Գագս եւ Աշոտս, միաբանեցաք սուրբ Գրի-

42. Անդ, էջ 223:

43. Հաղարծինի արձանագրութիւնները Ալիշան օրինակած է Զալալեանց Սարգիս Վրդի յիշեալ աշխատութենէն, էջ 131–136:

44. Ալիշան չգիտնալով տեղագրական չափերը՝ կը գործածէ երեք կէտեր (...), անշուշտ յետագային ստուգելու եւ նշանակելու դիտաւորութեամբ:

որի եւ մեր հոգոյ պահուստն յԱստուածածնիս տուաք, եւ սարկաւագ վարդապետն եւ միաբանքս խոստացան մեզ պատարագ զամէն եկեղեցիք ի տօնի Երեմիայի մարդարէին, որչափ ես կենդանի եմ»: Եւ ինքն Սարկաւագ ի ներքոյ. «Կաման Աստուծոյ ես սարկաւագ զիմ հոգեոյ բաժինն ի սուրբ Գրիգորս ետու. Հայրս եւ միաբանքս մէկ պատարագ ետուն ինձ ի տօնի Կիւրլի. ով չառնէ՝ դատի յԱստուծոյ. ի տօնի Եղնատիոսի մէկ ժամ առնեն Եերան Շահի. ով խանէ դատի յԱստուծոյ»:

Յաջորդ նորա (ըստ Կարգիդ) Խաչատուր Տարօնեցի, վեհագոյն գտաւ ամենեցուն, ե՛ւ շինութեամբքն զոր արար Ե՛ւ իմաստութեամբն որով եւ պատուեցաւ մեծապէս, անուանի մանաւանդ Երաժշտական գիտութեամբ, զի «սա երեր զխազն ի կողմանցն արեւելից՝ զանմարմին եղանակս ի մարմին ածել, չարարեալսն իմաստնոցն առաջնոց, որ ցայն ժամանակս չէր ցրուեալ ընդ աշխարհ՝ սա եկեալ գրեաց եւ ուսոյց բազմաց»⁴⁵: Եւ վկայ մեզ գեղեցիկ արուեստին եւ քաջարուեստ ոգւոյն՝ եթող զնախերգանս սրբոյ պատարագին զնորհուրդ խորին:

Առ յաջորդաւն Ստեփաննոսիւ Խալթ, շինող Ս. Գրիգորի, յաւելու տուրս վանացն. «Ի թուին ՈՄԵ. Յաշխարհակալութեան Զաքարէի եւ իւանէի եւ առաջնորդութեան տէր Ստեփաննոսի, ես Խալթ, որդի Սմբատայ, իմ գիւղն Քանարեռ Սկանդարանց Հողն գնեցի եւ ի Հաղարծինս ետու վասն իմ հոգւոյս, եւ երկարութեան կենդանութեան Շահնշահի եւ Աւագին, եւ միաբանքս զՄառզարդարին եւ զերկորդ Քալստեան ժամն ինձ ետուն զամէն եկեղեցեաց. ով զայգին առցէ, հանէ կամ զիմ ժամն խափանէ, իմ մեղացն տէր է, եւ Յուղայի մասնակից եղիցի»:

Ցետ սորա նշանաւոր եկաց Տէր Յովհաննէս, որ եւ Գոշայ վանից եկաց առաջնորդ «Եւ ճեռնադրեցաւ եպիսկոպոս ի ԶԵ թուին... եւ ապա գնաց ի մեծ աֆոռն ի հաղբատ»⁴⁶:

Ցետ յիշելոց առաջնորդացդ այդ, ի վերջ կոյս ԺԳ դարու, Մը-խարդքէլ Զաքարեան ճեռնատու լեալ է ուխտիս, այլ արձան նորա ի վերայ կամարի Ս. Գրիգորի թեմի մնայ կամ անընթեռնի. «Կամաւքն ամենակալին Աստուծոյ Հաւը եւ Որդւոյ եւ Հոգւոյն Սրբոյ, ես Միսարգրձէլս, որդի Շահնշահի որդի մեծին Զաքարէի»:

Ցետ բազում զարուց ամայութեան եւ անտեսութեան ընդ Գոշայ վանաց, մօտ ի վախճան ԺԷ դարու, նորոգութիւն առնու եւ Հաղարծին, ըստ վկայութեան արձանին ի Ս. Գրիգոր. «Ես թիֆլիկեցի Զիթաղի որդի Թաղայ, որդի մահտեսի Սուլխանս, եւ եղբայրն իմ

45. ԿԻՐԱԿՈՍ ԳԱՆՉԱԿԵՑԻ, Պատմութիւն Հայոց, Երեւան, 1961, էջ 212:

46. Անդ, էջ 223:

Զալն, եւ մեր որդիքն Ստեփաննոսն եւ Բաղին եւ Փահրապատցի Խօնայ Գուլին եւ իւր որդի Յարութիւն, մեծաւ յուսով որ առ Քրիստոս, վերստին նորոգեցաք զԽաղարծինոյ զեկեղեցիսն զսուրբ Աստուածածինն եւ սրբոյն Գրիգորի, յիշատակ մեզ եւ համաւրէն ննջեցելոց մերոց, ի թուրին Հայոց Ռեձլ»: Այժմ վերստին ամայացեալ է Հաղարծին ի բնակութենէ, եւ բնակարանի միանձանցն դոյզն ինչ մասն մնայ, եւ ի ճեղուան եկեղեցւոյն տակաւին ասի կախ կայ շղթայն՝ երբեմն ջահակիր:

Վայրքն յիշատակեալք յարձանսն՝ է որ նոյնք են որ ի Գոշայն յիշն, Արասածորն եւ Տնանձուան եւ Միջնաշէն, եւ է որ նորք եւ անձանօթ դրիւք, որպէս Նեառն-խաչ, Կոպավանք, Քուրդ-գեղան, Փշոց այդի, Արակ եւայլն:

18. Մնացորդք արձանագրութեանց Հաղարծնի.

Ա. «Սիրովն Աստուծոյ ես Արահամ եւ ամուսինն իմ Տիկին, միաբանեցաք սուրբ Գրիգորիս. Տէր Յաւհաննէս եւ Սարգիս վարդապետ պատարագել զԱբրահամս եւ զամուսինն իմ Տիկին եւ զկեանս Տաւնիոսի. ով չառնէ իմ մեղացն տէր է»:

Բ. «Յուտովն Աստուծոյ ես Քոտուր միաբանեցայ սուրբ Գրիգորիս, վարդապետ Յաւհաննէս եւ միաբանքս մէկ պատարագ ի տաւնի սուրբ Յակոբայ. խափանողքն դատին յԱստուծոյ»:

Գ. «Կամաւն Աստուծոյ ես Գրիգոր Կարճահասակ, զիմ հոգոյ արդիւն յեկեղեցիս ետու, եւ միաբանքս երկու պատարագ ի տաւնի սուրբ Գէորգի առնեն ինձ եւ ծնողաց իմոց. ով խափանէ դատի յԱստուծոյ»:

Դ. «Ես Անտոն Դսեղեցի եւ եղբայրս Սարգիս զմեր հոգոյ արդիւնս ի գաւիթս տուաք, եւ միաբանքս ետուն մէկ ժամ ի տաւնի նարեկացւոյն. որ խափանէ դատի յԱստուծոյ»:

Ե. «Ի թուրին ՈԼ. ի թագաւորութեան Գաւրգեայ եւ առաջնորդութեան վարդապետին Խաչատրոյ, ես Գէորգ զԱրակին զհողն եւ զարտ տովի սուրբ Գրիգորիս, եւ սոքա ետուն ի տարին երկու ժամ ինձ. եթէ ոք հակառակ կայ իմոց կամ մեծաց, երից սուրբ ժողովոյն նզովեալ եղիցի. զժամն նոր կիրակէին առնեն»:

Զ. «Ծնորհիւն Աստուծոյ ես Սարգիս զիմ հոգոյ բաժին արդիւնս ետու ի գաւիթս, եւ միաբանքս ետուն ինձ ի տարին մէկ ժամ Վարդապառին. որ խափանէ Յուղայի մասնակից է»:

Է. «Կամաւն Աստուծոյ ես Աթանէս զիմ հալալ արդիւնս ի շինութեան գաւթիս ետու, եւ միաբանքս եւ առաջնորդ ետուն ինձ տարին աւըն մէկ ժամ ի տաւնի Պետրոսի. որ խափանէ առաջի Աստուծոյ իմ մեղացն պարտական է եւ Յուղայի մասնակից է»:

Հ. «Ես Փաալ եւ ամուսինն իմ Սիմայ, տուաք զմեր Փշրոց այզին ի սուրբ Գրիգորն. առաջնորդ տէր Յաւհաննէս եւ միաբանքս ետուն մեզ զկնի Սահակայ տաւնին կիւրակէի զամէն եկեղեցիքս. արդ ով զայզիս աստէն հանէ կամ զմեր ժամն խափանէ՝ մեր մեղացն տէր է առաջի Աստուծոյ»:

Թ. «Ես Զուզայ զիմ հոգոյ բաժինն ետու ի գաւիթս սուրբ Գրիգորն. միաբանքս խոստացան առնել ինձ պատարագ ի տաւնի Պաւոսի եւ Պետրոսի. կատարիչքն աւրհնին յԱստուծոյ»:

Ժ. «Ես Գրիգոր միաբանեցայ սուրբ Գրիգորիս իմ հալալ արդեամբ եւ վարդապետ Յաւհաննէս եւ միաբանքս սահմանեցաք տասն պատարագ ի տաւնի նաւակատեաց Խազին, երկու թումանին եւ զայն Գրիգորին. ով խափանէ մեր մեղացն տէր է»: ^{***}

19. Ի Ճարխէչայ մինչեւ ցՔէրվան-սէրայ բարգաւաճ աւան, որ 10 մղոնաւ ի հիւսիսոյ արեւելից նորին կայ յաջմէ Աղստեւու, յ2170' բարձու, ի վերայ արքունի ճանապարհին, իջանէ գետս ընդ հովիտ յուրակ կրաքարուտ (calcaire jurassaique), որ եւ ընծայէ քարինս պատուականս ի շինութիւն, յորմէ եւ ամայի կարաւասունն գեղջն շինեալ է, եւ յայնը սակս կրէ զանունդ: Ամբառնան ընդ կաւուտն եւ ողնայար պար պորֆիր ժայռից, նաեւ ձիւնակիր գաղաթունք, որ ընդ թիւութեան պորֆիրին հարեալ՝ նորատեսիլ իմն երեւնին: Եւ ի միջոցի հովտիս՝ պատուարաձեւ սեպ ամբարձեալ ժայռիցս պարսպեն զգետն զքսաստես կերպարանաւ: Ստորոտք պատուարացս կերպացեալ են հորիզոնադիր խաւօք կարմիր եւ կապոյտ հրաժանգ պորֆիրի 2-3 ուոք թանձրութեան, յորոց վերայ ամբառնան ժայռք յ7000' ի բարձրութիւն: Բնութիւն պորֆիրիդ է խիտ եւ գորշագոյն կանաչ, բիւրղացեալ ի հնգանիստու 2-3 մատնաչափ առ կողմն, եւ կառուցեալ սեպ եւ սուր բրգամբք, նման հոչակատես սառնակառուցից կրինտելվալուայ Հելուետիոյ, ըստ Տիւպուայ, խառն ընդ թիւոյ հարկանին եւ կանաչ եւ գեղին գոյնք ի ժայռիցն:

Հովիտն երթայ եւ անձկանայ առ Քերվանսէրայիւ, յորում իբր 85 կամ 90 տուն բնակիչք են, եւ գպրոց Հայոց իբր 60 մանկանց՝ որք եւ ի մերձակայ գիւղուրայից:

Լերինք զնովաւ ծառախիտք եւ ջուր բարի. Եւ ի հիւսիսոյ կողմանէ աղբիւր մի եւ արձանագիր, «դմելով զաա շաղկապ սահմանաց Հայոց եւ Վրաց», զոր թուի վասն կամրջին ասացեալ՝ որ յարեւմտից գեղջն ի վերայ Աղստեւու: Եւ ի դէպ իսկ ի տեղւոյս սահմանամէջ լինել Վրաց եւ Հայոց, եւ սպառուած կայենոյ զաւառին, ուր եւ մեք աւարտեմք, յիշելով եւ զերկոսին համանուն փոքր գեօղս զԱղտան վերին եւ Ներքին, յեզր համանուն վտակի, օժանդակի Աղստեւոյ,

որ թ հարաւոյ ի կողմանց Հաղարծնոյ գայ եւ առ Թէրվանսէրայիւ թափի ի գետն^b: Ի վերնումն 40երդ բնակչաց է ի Ներքնումն 15: Յարեւմտից սոցին ի սարահարթի ուրեմն գոյ լճակ փոքր եւ մենաստան աւերակ՝ անաղարտ եկեղեցեաւ:

(Ծար 3)

Հ. ՂԵՒՈՆԴ ԱԼԻՇԱՆ

b. Ալիշան իր ձեռագրին վրայ սրբագրութիւն մը կատարած է հետեւեալ կերպով. ընջած է «յելից հիւսիսոյ հոյժն Գետկայ» եւ փոխարէն գրած է «որ ի հարաւոյ կողմանց ... թափի ի գետն»: